

ꯏꯪ꯭꯫ꯪ ꯏꯪ꯭꯫ꯪ

HENLALZOM LEGEND

=====

.
Zom-Tukvelh ana hong
uo,Hungkal tou kating hunglut
dikai.

A dongmanu-Awle..
ahin,hungpilvang deuh a aw, mi
aketha tam tau hi ㉔ ㉔

.
Hukdamna Camp a apat apawt
nitakin...

Apa-Zom,Nahung piengthak
na?

Zom-Result aphuong nai puou
hi

.
A Insaknu Kawm ah...

Zom-Kanumei muh lakah na
Melhawih pen hi..

Nungak-(taih kawmin) Bleh.....
Ka Nawi nakhawih ut man

.
Nungak hawn khat in aman
ua.....

Nungakhawn-Zom, Na dawng-
manu Umna na gen loh le kahun
pawngsuol(rape) diu ahi..

Zom-A Umna gen ka ting, Ei
Rape thou u aw

.
Phalbi dapsa taluo...

Zom-A dap taluoi,Mawk kuol
tawp zieng sangin, Condom
bekhi ki tuoh him him he uo

.
School late.....

Teacher-Zom, Bangzieka vaigei
e?

Zom-Kanu le pa Aki nau a.
Teacher-Nanu lepa kinak ule
nang bang zieka Vaigei e?

Zom-Ka Kengtawbek langkhat
kanun a chawi a langkhat ka
Pa'n a chawi a

.
Sazu gawp zuok....
Sazu gawp zuokpa-Sazu sagawp
na chaw nuom u?

Henlalzom Zi-
Deihlo,deihlo,deihlo, Sazu sa
gawp chauh hilou, a Hing hile ka
khawphi ㉔ ㉔ a gil e...

.
Wanted Limlak bánga kitâk chu
a en vung vung a... Alim alâk lai
uhin man mai leu hidi hia ㉔ ㉔

.
Bullet hêk...
Kigum sak deuh a Thingtang khuo
khata Bullet a azin leh,khuo alut
chet le Teksiepi khatin,"Ziekha...2
ana man u,Buhsukhaw! in mikhat
a puok mang guoi .

.
Nganja kham kawmin an ane a,
apa avak saih/daih viel leh, a pa
hunglungna mehkhe bong mut
a khet phe! zieng le.. amehkhe
bawng chu vak Dawi kit nalai ㉔ ㉔

.
Amah hi a danglam him him chu
ahi...
"Akuol kawmin Numei avak hisap
lai khule, avak nuok sak phawt a
azawh avak them kit zel a.....

.
Lenkhawmna thugen...
Upa-Zom bang ahim khat bek
hunggen tie..

Zom-1998 in ka pieng a, tha
7 chauh ka hih a ka bawk vak
theih kha ka inkote akipak mah
mah zieng ua,2016 Dec 31 zan a
tuonglai a ka bawk vak kha chu
akipak mawh u ie....

.
Police a in ua hung....
Police-kawt akiu det det ua.

Zom-Kuo na hi
Police-Police kahiu a, ki hou zuol
ka ut ui..
Zom-Mibangzah na huihi?
Police-mi 2
Zom-Ah! le inmai achun kihou
zieng tau u... ㉔ ㉔

.
Azi khuolzin sawt taluo amah la
kisumzolo,
A invengpa kawm ah
Zom-Na Nu zannih ei khel sak
ta, ka nu hung tieng leh Zan
thum in hun dit nangka ㉔ ㉔

.
Khawmpi na a Malzin tuikuk
ngen gup(6) ain ua hung tung
Lalsang-Zom Malzin bangzah
nanei u?
Zom-KUK GUP ㉔ ㉔

.
Zom na let tieng bang hih na ut
pen hi..
Zom-Ka let tieng lele Henlalzom
hih thou ka uthi ㉔

.
A zi nuoktaih mun sataluo...
Zom-Talawm...kimneihting
"Puonbâng na bang zieng a" ㉔
㉔

.
Zom-Bawipu, Ki suktangval ahun
nai puoi,
Chapa-Hepa nangle kisuk tangval
ahun ta puoi ㉔ ㉔

.
An neklai in.....
Zom-Sepdawk neisam lou, Nu-
lepa Sepdawk sa nepûk pûk zing
zieng.tia agaih le
Chapa-Ankam lien deuh deuh a
bak kawmin, Pate sep dawk sa
dek chh a lim PÛKPÛK ie.... ㉔
Ngaihman a um mawh e

.
Thuching-Ngeucha Hûk chu hah
pipi'n aham a..
Mihing hûk chu thip bekin aum
hi....

Regd.No :
MANBIL00269/13/8/2013 TC

HC

HUIHCHIM

Vol VI. Issue 6 & 7, Jan & Feb 2017

INFORMATION CENTRE

Huihchim Information Centre
Chiengkawnpang,
Churachandpur,
Manipur - 795158

Copyrights : Zie magazine sung a thu
leh la kisuoh hih malkhat le Editor
phalna leh hetpihna loh a mundang
a teisawn leh suohdawk phal ahi kei
puoi.

POSTAL ADDRESS

Editor
HUIHCHIM MAGAZINE
Bijang Gangte Veng
Churachandpur - 795128

Or
e-mail : Huihchim2012@gmail.com
- raymond.gangte@gmail.com
Mobile :8413033365/9615900563

CONTENTS

A SUNG A THU UM HAW



04

"The Millionaire's Special" _ TITANIC LAWNG LEH GANGTE CHATE

08

Uncle Tom's
CABIN

11

Sapkit theihloh
HUN CHIEHSA

13

Bawipute Unau
leh Ganggam
Chate

16

DJAVOLI

19

Thingpisan with
Phungzathang Tonsing

23

Gangte
History

23

Ka
CHAPA

News Section &
Regulars and Many
more.....

EDITORIAL BOARD

EDITOR

Gouminlun Gangte
(Raymond Gangte)

CIRCULATION MANAGER

Tingneihjem (T Jejem)

Columnist
Mangkhuo Gangte

Typist
Lamthiengin Gangte

COVER DESIGN

Huihchim Studio

CORRESPONDENTS

1. Mangbawi Gangte (Guwahati)
2. Chung M Gangte (Shillong)
3. Pu Pawpawl (Chiengkawn Lam-sak)
4. Phaljemhawih (D Phailien)
5. Pu B Khama Gangte (Langol)
6. Ginlun Gangte (Lamphel)
7. Pu Lalzui K Gangte (Santing)
8. Thangminlal (Bijang)
9. Chawngmawi (Old Iambulane)
10. Pu Lamcha (Moreh)
11. S Boilem Songhil (Khanpi)
12. Sasang (Lawntang)
13. Nenem (Gangpimuol)
14. Siekkhawhen (Game Vill. Z-IV)
15. Pu V. Lallien (Saichang)
16. Nieniang (Bunglon)
17. Pu T. Lala (Aizawl)
18. Momoi (Chiengkong Lamthang)
19. Zoui (Khousabung)
20. Sanglun M Gangte (Jiribam)

INFORMATION CENTRE

Huihchim Information Centre
Chiengkongpang Bazar,
Chiengkongpang, Churachandpur
Manipur - 795128
Ph. 8413033365/9615900563
email - huihchim2012@gmail.com

Owned, Edited, Published by
Gouminlun Gangte and printed by him
at BCPW, Lamphel, Imphal.

OUR PATRON MEMBER

1. Tv. Joy H Gangte, EE Neyveli Corporation.
2. Pu S.Thienlaljoy Gangte, MCS, AC to DC, Ccpur
3. Pu Thangkhopao Gangte, World Vision, India.
4. Pu Songzalal K. Gangte, Inspector (Customs & Central Excise), Shillong.
5. Pu Soitinthang J Gangte, Cluster Head ICICI, Meghalaya.
6. Pu Thangkhuson Gangte, i/c IGNOU Ccpur.
7. Pu Dalzamang Gangte, MFS (Retd. DFO).
8. Pu H. Shawnthang Gangte, Chief of Chawngmun.
9. Tv. D.S.Ginna. Social Worker
10. Pu SL Gangte, MDC/Luongpi.
11. Pu Th Lulun Gangte, Income Tax Department.
12. Pu Lamboi Gangte, MDC/Moreh.
13. Pu Gougin S Gangte, Social Worker.
14. Pu Kapzamin Gangte, Chief of Phaijang.
15. Elder Lienkhopao Thangjom, Retd. H/M.
16. Pu Ginkhotinthang Gangte, Social Worker
17. Pu Lalsuong Gangte, SDC/Ccpur.
18. Pu Lunpi Gangte, UDC, CPWD, Khatkhathi.
19. Pu Khamkhopao Gangte, Retd. Asst. Teacher.
20. Pu Dalzangul Gangte, Mahajon.
21. Pu Ginminmawi Gangte, BSF.
22. Pu M K Lamcha Hangmi, Social Worker.
23. Pu Lalsawma Gangte, UDC, ZEO/Ccpur.
24. Upa T. Phungzathang MLA/Ccpur.
25. Tv. Albert Gangte, Assistant Manager, IDBI
26. Pu T Songminlun Gangte, Lecturer.
27. Pu Dicky K Gangte
28. Pu Suonkhotang Gangte, Sr AO.
29. Pu Jim HT Gangte, IPS . DIG.
30. Tv. S Thangboi Gangte, MCS SDO/Mualnuam.
31. Tv. Sangboi Gangte, MPS SDPO/Thanlon.
32. Pu B K Gangte, IFoS.
33. Tv. PTS Gangte, Retd. Army.
34. Dr Liangoumuan Samte MO, Dist Hospital.
35. Tv Sang Gangte, Mechanical Erection Dept.
36. Pu Seilenmang Khongsai, MDC/Khousabung.
37. Major. Liengousiem K Gangte.
38. Pu Thangminlun Gangte, Sr. Tax Assistant.
39. Tv. P Kaijamang Gangte, Social Worker.
40. Tv. TL Son Gangte, Linked.
41. Pu K Muon Gangte, Professional Hairdresser International.
42. Pu Paulalthuom Gangte, Bank Manager (Canara).
43. Pu Kapneu Gangte, Paramilitary Force.
44. Pi K. Hoihboi Gangte, Sr. Auditor.
45. Pu Seiminlun Duhlian, SI / CRPF
46. Dr Dal Gangte, CMO, NFSG
47. Pu Ngulkham J Gangte, IFS

HOROSCOPE

Pu Max Astrothang

ARIES
March 22 - April 20

Tuchung vang hun mantam hung tung ding eita masang lam apata nathil lawk nakinepna khah, atak hung chang ding dinmun in ahung un hi, ahin nangmah bawlttheih na'n anagel dah phawt in, na-vang in azawh ziek ahi zaw. Na thil lawk chuh bang ahim nadeih love lam ahim, exam nalam ahim, business lam ahim?? Zie a zawlnei hin chuh kichien takin hun hilh dah phawt ding ahi.. LD.. thabeih lam...

Taurus
April 21 - May 21

Tu chung hih na dinmun ahawih pet ahi, bang kim ah ching thei mai in ahun eng/ ahun thip tam tak a um ui, kiveng in love lam ala nafuh a...damtheih na lah ahawih a, sum le pai inla ahun bawm pan ding in aum tan, khovel hih nang ading in anawp kipan ding ahi, aziiek chuh miching thei tak kingol cheplo mi nahi a, nang adingin pien man um hung hi maiding dan ahi, ahin na nu napa zah ah...Lucky Day.. 11

Gemini
May 22 - June 21

Na darling tawh hinkho nawptak a mang ding in ahung lang tai na darling hih mipha mah mah ahil ziek in, nang sukkhelh na haw leh natitloh nahaw ah ahun hethiem zing hi, mahleh akhawk khat chuh sum le pai lam dinmun ah navat bek ziekin angdang bel ding dinmun ahung um hi. Ahin vang lungsietna ahatphawt leh thepnale ahat ziek in kithah dah kin kichan khan lau, tu chung vang nadam thei sam puoi....Lucky Day ..umlo...

Cancer
June 22 - July 23

Hilh lawkna bangmah mulo in sapna khat chang ding nahi, kiging phawt mai bang lampang ding hile tutha chuh nang ading in kigin tha himai ding dan ahi, love lampang avang ahawih zing nai, ahin nathil tuok ding khat vang aum hi, thil haks a vang hipuon a, damtheih nalam vang apha zing nai, michung a nahung chung chuon nadingle khat aum hi, kholai a migen phat petle nahi.

Leo
July 24 - Aug 23

Sum lam dinmun haksatna na nei puoi ahin, haksatna hun siem sak ding in na darling akisa zing hi. Na buoi na cheng khah ama a pat vek ahi. a ziek bang? In-sungmi nu leh pa thu awilo gel na hui hi. Zie umloh na ding chun chieh inla na pa kawm ah ngaihdam vangen in tieng chuleh nang a din buoina cheng khah kipahna hung hitan a. Lucky Day 21

Virgo
Aug 24 - Sept 23

Na masang ah na tuok ding vangphatna na nei hi. Zie vangphatna na muh na ding chun na pathupiek zawm in khutileh vangphatna chuh changin na tin, zie mai chuh hilo in deihsakna nasatak muhbeh in la, na darling inle ahun ngai in khal-tuikang ngak in ahun ngak zing nai. Mi genphat petna hin nangmah hihtheihna suong kin'n manloh chang thei zing na hi. Lucky Day 17..

Libra
Sept 24 - Oct 23

Tuiliuong banga hun nawptak a na mat laitak in, nahetphakloh kalin nga(fish) len a awk hung bang ding in na-um hi, nathil bawl dan ah ching thei takin um in, ahin zie chuh na pumpelh theih nading lam pi aum hi, napelh theih nadin migen cheng ah aw(yes) tih guo dah ham ham in, nanga ding a nachung a sietna bawl guo atam lai tak uh ahi. nahisel na ahawih bek puoi nekle chak ale ching thei in .

Scorpio
Oct 24 - Nov 22

Chit theih naziekin nakipal pukna ding munkhat ah kihum bit ding nahi, ahin khovel na-et a hih chun puk thou thou ding nahi, chingthei taka naum theihna ding in bang na bawl tadie...??? na nu le pa nang hun vakte gen khah khawlai migen sang in mang phawt mai in, khuti lochun puk thou thou ding nahi, nadam sung a ding thil hungen sak kahi tih ana kihet mai ah...

Sagittarius
Nov 23 - Dec 22

Aw nanga ding golden year atih uchuh hidan ai,tukum sung hih na sep na bawl cheng ah lawh ting ding na hi, na lawhtit nadin thilkhat nahet milhloh ding aum hi zie chuh bang a? na darling in nang ading a thihngam a apan ziek mai mai ana hi dan ai. Dam theihna lam ah na-vang asie ie tukum vang chuh, himah leh damtheihna chauh hih mihing ading a akul leh pawimawh pen le eipuo tin.. Lucky day a um nawh...

Capricorn
Dec 23 - Jan 20

Awle rose pak hawih takmai bang a na na kiet chimloh uh aikha bang ding a tua hih, ling nei nahih lam uh kihedawk pan ??? Thiemgau chun chingthei taka gel gikgek in ahun hilh ahi, nangmah ah bawl daw/sepdawk lo a nawp taka hun namat pet ukhah nawptak ai lungsietna le akimvek ahi khen khat te din, ahinvang nachunga mawhpukna ahung umtieng le vang!!! Bang kim khuh lingnei hung hisek eive!!!!.. Lucky Day..blank....

Aquarius
Jan 21 - Feb 19

Migimthei kahi natih khah na darling in ana he tan, ahun bawl dante gel in mit thi thiekin hinkho amang maitai, chieh inla na lungsiet nathu kamkhat kam nih vagen mai in, alungsietna khuh nang ading hiki mah leh, genkhiehl kisa ahitai.....ziek chun chieh inla vagen leh chun nang a ding inle vacancy ana um mawh dem!!!!.. Lucky day...naihai..

Pisces
Feb 20 - March 21

Hun le nite hungki heizel in nang ading inle, thilpha hung pieng zel ding ahi, navangsietna mai akhan kithahdah kin. Nalampi ding ah thilpha namuhding aum hi, malakna lientak khat nei ding in na unhi, zie napanmun hih sasuk butit chun vang nang ading chauh hilo in na mi nasa te ding inle thilpha leh khanto nakhat hung hina. Nadam theihna lam apha'n na darling inle ahun kinep pih zing hi.Lucky Day 18.

ki lengle kahun lungsiet zing hi aw. He U, ka nasep ziek in ka buoi zing a ka hun ho man sek puoi. Manipur le ka ut ta-puoi. Ka gimtheih na gam a hi a ka ngaithei tapuoi. Zie ka lehkhathawk hi na muh tiengleh ana lungna zieng kin aw, U Thangboi tua hi Mumbai a ka um ahii tai aw.

Kei nahet phak loh a hun ngai Taineu @

To,
Ka pu Muon, Bungleawn.

Dam a hinkhuo na mat hi nam, ka umna tak a kalung a mang

theilo nang, ka umna lam a ka hun gelawk tieng ka mittui sim zoloh in aluong hi, nang in ka hun lungsiet na hephalo, ken nang sun leh zan a ka gel zing ka lungthim a pat ka dam sung in mang tapuon la, ka hinkhuo a beihloh chun nang bang a ka lungsiet ding um kit tapuon a sietlei ah. Nang in le nei lungsiet hi tih ka hei. Chapang ka hi ziek in na lungsiet thimthu nei lel ngam puoi tih ka hei. Ka hun lungsiet in thihchan in ka lungsietna nei sansak mai tan, Pu Muon.

Kei mah HATJOICY

To,
Ka lung mitha a mang theilo kana lungsiet U Son, Dam a hinkhuo na mat hi nam. Sun leh zan a ka na gel zing U Son.

Ka umna lam taka na mel ka muhloh chun gentheihna leh lunggim nan ka dim hi. Nang bang a pasal ka nel le um lo ahi. Nang hi ka ngainat mah mah pasal, ka hin lungsiet a na hinkho mat dan haw leh nang

NGETNA LEH HETSAKNA

Kuole Lungsietna Huih ngaina leh mang phachuom cheng chungah kipah thu kahun phuong ui. Lungsiet takin na massage hun thâk hawu hih na hun thâk dan u tawh ahun ki edit sak dan hih entuok unla, nei panpih theih nau umsun thumal kim kei (lamchawm umlo) in ei hun thâk tau in. Lamchawm tam taluo hin na gen nuom uh aki he dawko sek puoi. Tukhel suohtu min mumal lo leh lamchawm tam taluo, ahun ki suoh loh lele ngaitthiem ding in ka hun hetsak ui.

Editorial Board.

inle nei lungsiet dan chengle ka hei.

Kei ma HJS nu Kimbawi channu.

To,
Pinky , Amasan na kieng a ka hun gennawp chu ahih leh bang tik a ka hun ngai hi ka ti a e. Na hawih e, ka ti mai mai ei chu e. If you don't no just close your mouth??

Its me , Lalminson Somewhere in Ccpur.

To, Kimngaiting, Amasan na kawm a ka sei nawp chu a hi leh, hin sei zieng ing nge, I love you, your is my happy love, I love u so much.. Kan ngai Dan, somewhere in Chiangkon..

To,Jemson
Dam a na um zing ahi nam?

Tulai nathip ta e... ..Khatvei bek ei hun hopih kit mai mai ta.

Its me Jennytai Nalon.

To,
Mike Gangphaw, ki ho kit ding

la kinep aum tapuon, khatvei bek ei ki muhsak kit leh chun ka ute... Hun chieh-sa gelnan hinkhuo ka mang zing hi. Na chungka ka mitthi luonna hih vangphat nan hung nei

mai in aw.

Its me ahung hengilh theilo Tatai IB Veng

To,Ka lungsiet pen Miss Neneo, neo phat masan le ka hunthak in nana muh loh ahim? Ken vang chuh bangtik lai inle ka hin hengilh thei diek puoi. Na kisak zawhma cheng chu khal-tui kang bang hun ngak zing nang ka. Ahih loh leh midang tawh na ki ngai uh ahi tam le? Khatvei bek hin phone ta, na aw zaklohna a sawt tieng gimthei kei adin nawpna umlo in bieng ah mitthi nan zawhloh in a luongsek hi. Gimthei te adin vang chuh nawpna aum mawh ie mo? Ka lunggel hih ei hetthiem pih leh chun bang tieng in ka kipak ta dem.

It's me Len, C. Gangte (LLL) Village.

From the Editor's Desk



MABAN MLA ELECTION

hetsau mah bang in I masang a Manipur kitelpina 'The 11th Manipur Legislative General Assembly 2017' hih March 4, leh 8 a um ding ahih tawh kizawm in tulai Huihnun leh Hotel hollimna chuh maban election hih ahung hipen tai. A lien aneu tih umlo a lawileh pai tawh chutkhawm phawt leh Politics hih ahung gipai zieng hi.

Manipur Legislative Assembly a Palai chutmun a chu ding hih Constituency chuomchuom ah michuom chuom ahung hung kichuh ding ahiu a, kuo hih ahung kai in, kuo hih ahung kie dem tih hih het hakmahmah khat in ahung lang tai. Consituency khat a la Seat khat chauh ahi kit zel a, Liendo te Unau guol a Seat khat chula a ding cheng neu chah chah a kihawp khen theihle ahi kit zel tapo a, mipi deihtel pen tih theih ding le umlo hiel khawp in Intending Candidate hih assembly constituency khat atam thei mahmah hi.

Zie na kawm kal lak achun, hunsawttak Congress Party in ana awp khumna mun Manipur hih BJP pawl inle theihtawp suoh a, Lotus hih paksak ding a guonggalh zing ui. Alangkhat ah Ruling Party (Manipur) ah Congress government hih Election hungdang banglo tak in sungthu buoina a um chuh hingei ding in Congress in a muon mahmah Cabinet minister post haw tieng ana tuk-sak ban ah MLA tamtak in Lochul buk guol a ngai in ataihsan sau sau a, Congress nusieh in party dang ahung zawm sau sau tau ui. Zieziek hih Hotel hollimna haw chun congress hih puksie mai ding dinmun in alang hi tin le agen kit ui. Central a thunei BJP pawl inle zie hih advantage a la'n congress khenpukna ding hih a ngaihtuoh zing ui. I hetmah bang un tunaih cha khan le Congress a senior politician , Ex Minister leh Manipur Pradesh Congress Committee tieng ana tu khat in Congress nusieh in Party dang ana belh thu i hetau kha. Tuhin khawlai hollimna chuh Congress leh BJP kuo zawk hin Manipur Govt. hih ahung form ta dem tih henuom in vote khiek leh simding kal ngaklah in nitin hinkhuo a amang zing ui.

Khuti a ticket thu leh thuchuom chuom a ngaihtuoh ding a pha leh simtute hawn ihet ding ua deihtel um chuh nang mah thuneihna - Right to Vote hih mang khiel lo ding inle sum leh pai ziek a mawk sukmang mailo ding ahi. Govt. tawh na palai ding a na deihtel chuh nang khut a kinga ahi a, nang mah in na vote ding ahi. Nikhat thu ding gelkin la, kum tamtak sung a ding lawiupa tel ding na hih ziek in na chit theih angai hi. Tulai hin kingainiem tamtak aum a, ahinla election ahung hihzawh tieng miki ngainiem lak a khat pen pen chuh Sakei guol a na muok kit ni umding ahi.

Thutawpna ding ah, a party ahim, ticket ahim in buoikin la, nang mah ding a khuom pawimawh tak a hung pang thei ding leh haksat, beidawn, lungzin nia le ahun geldaw zing thei mipha chuom ngai ahih zing theih ding mi na palai ding a naki tel a, na lungkimna tak a na um chuh nang ding a damdawi pha leh na kipahnapen hung hina. Huihchim Media in amah khat vote in khuti khatin tihchuom anei puo a, nang leh na palai ding kikal thu ah bangmah dodal na akinei puoi, ahinla i gensa mahbang in chingthei tak in na vote manpha tak chuh pien.

TITANIC LAWNG LEH GANGTE CHATE

By- Mangkhua Gangte

Lalpa Pathien a nei nam chu ahamphau hi; amah go luoh dinga atêl mite chuh. Psalm 33 : 12



Titanic lawng atum mang zawh nung kum 104 vâl hiel hita mahleh Huihchîm in ana sermon kha nai puo a, chuleh Titanic 2 hung kisiem daw kit ding ahih tawh kitawn in tuchung hin bat nei dân a kigel in ei Khristien te adieka Gangte chate a dinga zildaw theih aum khâk leh tia Huihchîm in ngai-khawk taka lehkhahu chuom chuom apat ana compile leh internet manga, mang chawma ahun chawmkhawm hih hun sermon ding ahia athak takin ana sim kit hitiu.

Kum 1912, April, 14 ni zîngkâl mataka Atlantic tuipi chung a khawvel pumpi a lawng lienpen leh tum theilo tia ki gen minthang, athusim leh a film zieng le mi tam takin ihet chauh ule hilo a, comma fullstop um

haw nasan by-heart phiel ding khawpa he le tamtak ium tâk dinguh kaging chai.

Zie thilsuok hih thusim phuok kawm (fiction) mai mai hilo in atak taka thiltung ahih ziek hin kum 104 vâl nung hita mahleh tu tieng hin kum cheng leh April, 4 ni hileh zie lawng lien tum mang na mun ahin, ana muol liemsa atu acha'u, api leh pu te'u sînnâ programme mang dîngin zie mun chuh ana zuon sek ua, zie ni hileh geldawkna ava nei zing sek ui.

Titanic masa chuh ana tum mang talele tuhin, Titanic 2 (Titanic thak) khat amasa a kha tawh alim leh mêl kibang chet ding, matchâk vâng tulai khandoh na tawh kituoka a phazaw ngen mat dîngin, Australia gama mihâusa penpen te laka a nga na, Clive Palmer, (Mining &

tourism tycoon) BRG Magazine report duingzui in dollar 5.2 billion (\$5,200,000,000) tehkhin na naipen in, Manipur Govt kumkhat budget sânga tamzaw neipa hin China gama kuong lien siem company Nanjing khawpi a CSC Jinling Shipyard lawnglien siem thiem pente chuh mawh-puokna pien kum 2016 tawp lama siemzawh tei ding anatiu a, mahleh a budget let ziek leh thil lemlo neuh neuh ziekin ana siemzo man tapuo'u a mahleh 2018 kum sunga siemzo dîngin contract ana sign tau hi.

Zie thu hih Clive Palmer in April 30, 2012 Titanic lawng lien atum zawh nung kum 100 leh ni 15 atit ni a, ana phuon daw ahi. Zie lawng lien kisiem dîng hih amasa a guol in pindan 840 siem hîntin sawng (deck) 9 siem hibawk ina.

muding a ka na kinep lai in, hin la ka kinepna bang ahi thei ta puon bang lung nagel a hiti a nei bawl ahim????? Umm. . . akhawk puoi na kipahna ahih phat leh na kipahna chuh ka kipahna ahi tho hi. Khawk sa lengle khawk salo bang in um mai ka. Na deihsang inle ka umthei puon, a ziek chuh chagah ka hih ziek in mangpha na zi tawh mangpha hawih pen pen ka hun thak hi. . . . Its me game na kichep pih nu.

To,
Taineu. Dam a hinkhua la mang nai maw. . kei le dam in hinkhua ka mang zing nai aw. . . . La um na Shillong tualpi a chun a mi zatam ten theibang vul lo ni um lo in um ma leu le, kei la lungsiat pen lung dang gel lo in sil puan bang ei hung nawl kin aw. . . . ken vang mai mitsing ngam lo zen in second khat le mil lo in dettak in ka pangg zing nai aw. . . . La lung hun gel tia, Neu. Zothing chung a sahei pak bag gual a ka hun neilai aw. . . . Damsung a ding a deihsan lai aw. . . . lungdang gello in hun khat ni le Huiva bang cha leng khawm na ding hung um nan na aw neu. . . . Liangthei keima ei hun millo in dettak in hung pangg zing in aw. . . . Keima la U Henry.

To,
Boisi Shillong.
Haksat naleh buoina hawn ei-chup zing lai a ka gentheih na

aki beh nading a hiti a dawnloh dailoh a na lungsiet, ka um mai hih naki awih ahi nam????? Lungsiet takin khatvei bek bek ei hun ki hetsak in aw, nathu le la ka hetloh apat tuni chan in ka um anuom theipuo. Nangchauh nahi ie kaki nep na, nang adia pang zing. Kam, Imphal.

To,
S Kim, Khousabung.
Kei lungsiet ziek a gentheih na thuok na cheng, na lungtup bang in ka kawm ah hin muol suoh teiin, ka hun ngak zing zieng hi. Muol leh tangin ei hal henla, khawi munah um mah leng ki tepna vang thahtham puoi ti aw lungsiet..... Its me N P Ganggamnuom.

To,
George P. Simte ..
He u, lehkhahawitak in hunsim in, malam hinkhuo ding gelnan. Keile nang adinga pangdet zing kahi. Guol in ka kawm ana tiem thimthu cheng hun hengilh ki aw. I miss you so much... . muaaaaahh.. Kei nang nanao, ahun ngai zing..

To,
Daisy Shillong. Ka duhthu aibang sam cheng a piting zo tapuoi. Himahleh Hapoy New Year aw. Tukum nawp deuh a mat khawm ding ka tihleh a na hitheih tapuoi. Na buolna tang a nawp nam???. Lungdang laidang bang zah ka len

vang, na chung a muon na ka neih bangin muon na ka nei-theih puoi, tih ana he ngilh kin. Bang tik le na hung kit in na mel deihsan um ka mu ta dem tin, ka ngak zing hi. Na lenguol pîh te mel ka muh tieng leh lung a lang lo ding cheng ahung lang sek hi. Nei muhdah ding ka ki nem puoi. Ei ngaidam in ka suk khelh na cheng. Ka zal zanmang in ka hun mu sek a taikhuo ahung vak tieng luonthin ka luong sek hi. Nang in nei geldawk sek em. . . . Ken vang, Keimah nacham zing na lungthim neipa Mr R M Gangte

To.
Thiemzomawi Chiengkawn, Ana awl ki play ta uo tukhel. Tuchung Christmas a kha le ka lawi te JNV a um haw khat in a hung star in agen gen zieng intin na ki play bek a ka hun puih nuom loh ahi kha. Na mit chuh tam sak ta kih aw, lungsiet tak in. Suty a hun phat leh ka hung ding uh ahi. Ana kigng tang aw. Kei na lawi Zolunneu.

To,
Ka lungsiet pen.
Amasan khawvel a ka lungsiet pen le ka ngaih pen, ka ngilhtheih loh ka u Thangboi, dam a na umzel ahi nai maw. . . . Keile ka dam nai aw. Hinda Manipur ah ka hung man ta puoi suty ka nei tawm bek a maw, ana lungna zieng kin aw. . . He U, kei nungak hita



LUNSIETNA HUIH A SUOHNUOM NEITEN
SMS : LH [Na thuzik] to 9612260542

To, Lunboy Lontang.
 He u tulai bang ti na him..
 na thip ta na e..khat vei bek
 zie hin ei hun ho uo. No.
 8974741071.
 Keimah, Ngaiboi Gangte.

To,
 Dear, Bebel L. Phainuom
 Lungsietna hi bang
 ahim?Bangchan ka ngak ding
 ahim? A sang ie B kahun lung-
 sietna hi kuomah adin kahun
 phal puoi... ei hun reply kit in
 aw zie Huihchim ahin.
 Its me ss@..Ccpur.

To,
 Fefel Lailong (S), Dam a na um
 zing ahi nam? Tuma a neihet
 khiel vang kha chu kei adin an-
 uom mawh tho e, Tukhel leh
 khuol chien deuhleh chin kati
 e. Na phone number la kanei
 puo a, zie Huihchim mang hin
 na reply ka ngak zing ie.
 Keimah nang a dinga thih
 ngama pangdet zing. L. Shawl
 Suonglun Muntha.

To,
 Sangmoi K.Zoar.
 Sang dam a hinkhuo namat
 zing ahi nam? Khatvei akhan
 lah kumkit leh hung kitdng
 khi nti ya,bngdia hngkay tlo....
 muoleh tng bngzat in eikhn

leule naloï te a din mlni na
 um thy pwi.... Keimah ahun
 hough yours frnds sumwhre
 in CCP.....

To, Sangmoi K.Zoar.
 Sang dam a hinkhuo namat
 zing ahi nam? Khatvei akhan
 lah kumkit leh hungkit ding
 kahi nati a, bang dinga hungkit
 talo mawleh? Tang bangzat
 in eikhn leule nalawite a din
 milhni na um thei puoi.... Kei-
 mah ahun hopih yours frnds
 sumwhre in CCP.....
 WED 7:56AM

To,
 Miss Chinglaljo Molnom
 Damsung a ding a chibang ka
 tel nangin sam gibang nei khen
 mah leh chun, Thu lam leng
 tam takin a hun thep puk mai
 maw. . . na puldo ding a nei
 phal ham. . . muol leh lhang
 ijat in ei khen hon jong leh
 min ipi thusei jong leh thulam
 leng hung tam jong leh khen
 poi te na ti a, tua khoilam gei
 hi ta. . . nei lungset na thim
 thu cheng khoilam gei hita. . .
 lungset in nei hethem in aw.
 Keimah na puldo a um zing
 Francis Zapzz KUKI CHAPA
 THUOMMUN

To,
 Kalawi ngaih S.S.E.S a ka kai-
 pih haw, exam zo a i umna mun
 chiet ua i chieh tieng uleh pau-
 cham nan ki hengilh puoi tiu o,
 Pathien lemsak a hih leh kum-

kit leh kai khawm kit hitu aw. .
 ken vang Kalaw ngaih nang uh
 puldo zo puong ka. Mitthi mai
 a luong mang mai ding ei tai
 nang uh ka hung ngaih na. See
 you again next year. Wish U
 All Merry Christmas N Happy
 NewYear. Miss U All So Much.
 It's Me Who Love U All.
 By M.L.Gangte

To,
 Santing-1 aum Gogou, nei
 lungsiet na kha zie hi maw zi
 nei san ding chauh a lungsiet
 neina chan maw. . . tia hi nei
 na bawl ding lamkha heleng ka
 hung lungsiet loh ding mai zen
 tawh. Nei hellai a kha dawngma
 khatle ka neikha puoi nei na ti
 a, ka hung lungsiet leh zi nei na
 neisan na lung hungel tie na ki
 awi nam na ki awihle vang ken
 bangmah ka genthei tapuoi.
 Cha le nau na hun neihtak leh
 na chaten hepa ahun tih tieng
 leh khatvei bek nei hungel
 dawk a aw. . . Keimah na mi
 sukгимthei nu hih. Ken vang
 hun hengilh zo puong ka nei
 bawl dan cheng hi vangphat
 nan hun nei mai tan. Na zi le
 na cha te kipah na din nathei
 tawp inbawl mai tan.
 Keimah na lungsiet na chang-
 zolo nu hi.

To,
 Papau Tangnuom. . . UPauboi,
 na mel muh ding ki nem in ka
 na ngak zingin mahleh na mel

Titanic 2 kiti hih asiem
 zawh phat uleh chinese Navy
 te'n vathak un tin a first trip
 hih Southampton, England apat
 Newyork zuon a chieh kit ding
 ahi.

Mihâusa tamtak zie
 lawng kisiem thak pena hih a
 chu masa pen hiding in kisa lawk
 pan kit tadingin ginchâk aum
 hi. Ticket man bangzah hilele
 achu masapen hih ut na zieka
 sum le itlo hiela kisa lawksa mi
 huntieng tak le umdah puon a.
 Titanic masa a, a film minthan
 lawhna pen thusim siemkawm
 mihâusa chanu khat tawh mi
 chagah tangval khat ki lungsi-
 etna, zie tenih tawbang banga
 ataka nungâk tangval kilungsiet
 bangzah ahim le zie lawng a chu
 ding hin kisazo sa a um tei tad-
 ing in ginchâk aum hi.

Titanic masa thusim ana
 hechien te dinga thil nuomlo
 tak khat chuh, tua lawnglien
 kisiem kit ding pen hile, "Un-
 sinkable"* (Tum theilo) ti'n am-
 invawh kit tagêt ui. "It is going
 to be designed so it won't sink"
 ati kit ui.

Titanic 2 hih bang zieka
 China gam khel khela asiem
 guot uh ahim? Athiemzaw zie
 zah zozai laka tia nuihsan le aum
 dah puoi. Mahleh Palmer hih
 sumkawveï thiem mi, a suong
 meihawl thâkdawk tamna pen
 gam China ahih zieka amâu
 lunghawl na le hi'n a ti'n agen
 ui.

Titanic masa lawnglien
 leh lopi, anuom theipen dinga
 kisiem, tumtheilo ding ahi tia
 agenminthang uh, "The Million-
 aire's Special" ana tih hiel uh
 chuleh "The Wonderful Ship"
 le ana tih uh, metre 269 (882.5

feet) a sâu, availam liet dan,
 28.2 metre (92.5 feet), akuong-
 taw a pat ameikhulawng chung
 chan asândan chuh metre 53.3
 (175 feet) a sâng ahia, kum 1909
 apat 1911 sunga Harland and
 wolff company, Belfast, Ireland
 gama ana siem uh ahi.

Southampton, England
 kuong kaihmun a pat Newyork
 zuona Atlantic tuipi chung a ki-
 tawl, passenger le mi 2200 vâl
 hiel chu ana hui. Zie kuong chuh
 athupi bêk ziekin angâisâng diek
 Newspaper editor khenkhat te'n
 "Pathien inle tumsak thei puon
 a" ti'n ana ki zik siek hiel ui.

Zie Titanic lawnga
 khuolzinna masapen a lawng
 captain ding chule, lawnglien
 dang dang SS Celtic, Republic
 kiti haw ana command zawh in,
 Majestic kiti kuonglien a kum 9
 captain a ana pang chueh Baltic
 kiti lawng lien chuh ana com-
 mand kita zie zawh chun Adriatic
 kiti a command sung in chawih-
 mawina sângtak ana pie'u a, RD,
 RNR kiti tite chuh amin kizikna
 chenga zikkhawm ding in ana
 piedawk tau hi. Ahun tawpna
 lamin Olympic kiti kuonglien a
 captain ahih lai in England Navy
 te kuong tawh akibawh khâk
 ziekin buoina neukhat ana tuok
 hi. Anasep na hih abawn pumpi
 a etdingin Captain Smith hih
 Captain muon um leh ginchâk
 umpen te laka simtel ahi zing
 tai.

Asepna a pension nung
 hita mahleh, Captain Edward
 J Smith chuh Titanic lawng
 khuolzinna masapen dinga
 kuong captain ding in ana zawl
 kit ua, amahle kimuong tak
 kawmin ahung kipandawk kit
 tai. Pension chiet chiet le eilama

pensioner haw tawh teh di'n
 kikhie ten dingdan ahiu.

Zie banga ana muon
 mahmah uh Titanic lawng chuh
 kuong dang chiehna zing lampi
 le hilo mâlâm hahpi a naih in
 ana tawl ua, kuomah chiekhâk
 loh na lama chieh chuh minth-
 anna dinga agel ziekun kimuong
 takin April 10 nia Southamp-
 ton a kipan dawk chuh April 13
 zânkhang 11.40 in vûktang tui-
 chunga kilap chuh abawh khâk
 ziekun kuong chu akêk ta a,
 tumthei him him dinga agelloh
 uh kuonglien chuh dâkkâl nih
 leh minit 40 sungin April 14
 zîngkal lam dâk 2:20 in ana tum
 mang tai.

Mihiem 1522 chuh
 hûkdawk zo talo in ana thi tau
 hi. Kuongneu (life boat) man-
 ga ana hûkdawk mi 713 te
 chun zie kuong tumtang zing
 lai chuh laina takin ana en tum
 vungvung tau hi. Kuong sunga
 chunle ahâu avâi kikhenna um
 in first class passenger te leh nu-
 mei naupang tamtak hûkdawk
 mahleu first class ticket neilo
 pasal te 100 laka 90 (90 %) chuh
 athi tau hi.

***Titanic lawng a pat hin ei ging-
 tu te adiek takin Gangte nam
 tawmchah te'n bang izildawk
 theih aum dem tih vak en kit
 hitu***

Amasapen in, amin Titanic
 zieng hile Pathien chona ana hi.
 Greek te thusima kimu Titan kiti
 te'n Pathien ana do nau thusim
 ana uma, zie Pathien ana do te
 nam min khel khela lawng min
 aphuok uhih Pathien chona ahi
 tia hetttheih ahi.

Zie hin mihiem te kilet-

sak na , Pathien zahlohna kithu-
pi sakna leh Pathien do a pangte
etsakna ahi. Lawng chuh sie
theilo dinga ginchâk zieng chuh
mihiem te hin eimah khutsuok
zieng hile ikisuonpih sek dan
uleh Pathien a dinga bangmah
ahihloh dan akilatna ahi.

Bible a imuh guolon, Pa-
thien in miki letsakte amit tiek
dân, achungu a thutanna ana
bawldan ihetsau ahita kha !! Pa-
thien in ahawt leh amit tiek nam
ihikhkhâ ding kivêng in Pathien
ângsunga pûklut hun ahihtâk-
dan ei muhdawk sak hi.

Pharoah, Nebuchad-
nezzar, Belshazar, Rome lêngte
Herod tienga Pathien chungu
kiletsak cheng chungu thiltung
haw ihe tau hi.

Anihna'n : Lawng lien
neite company Chairman, J.
Bruce Ismay in minthan na
leh chungnun na adelh ziekin,
lawng tawl captain Edward John
Smith, kum tamtak experience
ana neisa thugen chuh ngaihsak
lo in Atlantic tuipi lien chungu
kuongtawl cheng laka akinpen/
ahâtpen hih ut na ziekin mâllam
hahpia naih di'n thu apie tai.

Titanic lawng in At-
lantic tuipi chungah hun ala
chawm pen hi hung kiti taleh
mi atamzaw zie lawng lien a
hin hung chu nuom untin, sum
atamthei pen kimu ding ahi tih
utchâkna zieka zie lunggel hih
ana neih ahi.

Athumna: Zie alampi
hawhnau chuh lauh um vûk-
tang (Iceberg) kilap tamna lam
ahi, "Na chiehna lampi'û theng
un" tia vauna leh hilhgaiha
message 12 vei amuh vângun,
lawng neipa thu'n zie hilhgai-
na thu chu zui lo in achiehnau



lampi mahmah chuh zûi in cap-
tain pa'n simlam naih deuh a
heikawi dinga thu apie vângin
alawng hâtdan (speed) chuh asu
awl chuom diek puo'û a, dâk-
kâl khata Km 39 a hât ahi. Vûk-
tang lientak mai chuh anaih bêk
tâk ziekin ana pêlman tapuoi.
Mipi ziezah zozai hinna bitna
ding sâng chun minthanna leh
khawvel hauha chuh ana del-
hzaw tau hi.

Tulai hin ei laka le mi
tamtak chuh sum le pai ngaih-
nat na ziekin achiehna lampi'û
theng utlo atam mahmah tai.
Hauhsakna leh lopi na delh in
lamdik le hitalo ahih hena sa
sân izui zûi mai tau hi. Pathien
in igamsungah pastor te, evan-
gelist te nampi lawi upate leh
michuom chuom leh thilsuok
chuom chuom mangin ilampi
te'û theng di'n ei hilh zing mah
leu idelh zinguh sum leh lopi na
te'n imit te'û asu dûk ta a, taksa
leh thagau lama thihna lam zuon
ihih uh kihe dawk talo tamtak
um ibang tau hi.

Henasa sa a, tâi tâi zieng
le itawm diek puo'û hi. Achieh-
na ding lampi te theng dinga Pa-
thien hilhna ngai a lamdika hung
kiheilut nam te chuh mi vângpha
ahiu hi.

Khawvel hauhsakna

achân dinguh um mahleh thagau
lama chanpha amuh dingu tawh
tehguol hilo ding ahi. Zie ziek
chun eimah mimal lampi chieh-
na chiet ki khuol chil hun chuh
ahitai. Zie thu na nasim khâk
khel khel hile Pathien in ahun
hopih na khat ahi ti'n gel in.

Ali na: Thil neuchah
chah ngaihsakloh zieka sietna
lientak tungthei ahi tih hetngilh
loh hiel ding ahi.

Lawng sunga nasêm te
laka amalam uh entha zing ding
te'n akivawp zing dinguh durbin
(Binocular) chuh apawimawh
lai tak chun amuzo ta puo'û hi
akiti'i. Zie matchâk hih anamat
uh hileh vûktang kilap chuh gâl
gamla taka pata muthei ding ahiu
a, pêldawk zo man ding ahiu hi.
Malam entha dinga kikawih te'n
zie matchâk hih ana mat tâkloh
ziekun, amuvak thei ta puo'û a,
amuh phet uchun anâi taluo ta
a, apêldawk zo tapuo'û a avaigei
taluo lampang ana hitau hi.
Insung leh Namsung kuong tawl
te'n le mipi lamdika puihna din-
ga hun chenga matchâk phapen,
Bible leh pauchamna manga Pa-
thien dawng talo a, mahni hêtna
leh tulai a ki kaisar sak te haw
idawt zawk na mun uh tamtak
um zawn alang tai.

SANTING-I KHUO A UNÂU ANKUONG SAWK KHAWMNA ANA NEI UH

Feb 11, 2017 ni'n Henglep AC sunga um Santing-I khuo ah
Goodwill Team guon na nuoi ah *Unâu Ankuong sawk khaw-
mna* programme nei ahih dan uh Huihchîm News Network in
thutut amuh chun agen hi.

Zie hun amatnâu ahin imasanga ahung tung ding 11th Manipur
Legislative Assembly election a 57-Henglep AC apat *Manipur
National Democratic Front (MNDF)* candidate *Pu Mangcha
Gangte*'n tuchan a campaign a bawl na progress report bân nei
cha a pie ahihdan thutut in agenbeh hi.

Munchuom chuom -- Imphal, Kapaih area, Ccpur, Saichang biel,
Tuilanguol biel apat unau 200 vel ana kisuktuohna programme
ah lawiupa huntieng in holimna nei in, *tuchung MLA election
a hih unau pachân hihna sulanga lung kiguol taka Pu Mangcha
Thangzawm sawt khawm ding apawimawh dan* achiehkhawm
lawi upa te leh mipi te'n tângsap pih uh ahihdan thutut in atâk-
lang bawk hi. Lawi upa zie hun va uop pih vak het theih haw chu
Pu S. Lalpu; Pu FP Gangte; Pu HV Robert, Upa (Dr) LS Gangte; Pu Paukhosiem; Tv. P Kaizamang; Pu
Ginpum; Pu LC Thangzawm ahiu a, chun Amau haw ban ah Gangte khuo hausa, khuo kîm khuovêl
mi haw leh mun chuom chuom apat public leader muon umtak tak te'n va uop pih ahihdan agen-
beh hi.

Manipur Inpi (Assembly) a isik-isang a thugen/nasêm thei ineihloh zieka chansie ichan zie te'û
sulung kawmin, pangkhawm a tuchung kitêlpi na a hih vawk an mina imin khawm ua imi-isa (Pu
Mangcha) lawhtit tei na dinga pan lâk akûldan zie hun a holim lawiupa ten mipite mitthi tui kâi
hielin chielna anei bawk ui.


Pu Soizagin (Imphal) in Delhi a Pu Mangcha support mobilise kibawl dan chawmkim chên tâklatna
aneih bawk hi. Kipâktak a unâu ankuong sawkkhawm in, hun hung tung ding (March 4) nileh pang-
khawm a semkhawm chiet ding in achiehkhawm cheng chibai kibûk kawma kikhen hi'n thutut in
agen hi.

MPC SUB HQ ZONE -I IN 2nd GENERAL AS- SEMBLY NEI

Jan 30 zinglam 10:30am in MPC Sub-Hq Zone I Office
mun ah 2017 kum thak ahih tawh kizawm in General
Assembly 2017 na hun ana mang ui.

Zie hun ahin Pu Hautinthang, Vice President
in program conduct na anei a, Pu Ginkhotinthang,
Secy Org in Sub Hq Zone-I sung a Unit chuomchuom a
palai hung khawmte haw muokna thu genlatna anei
hi.

Pu Thangpau, President in introduction hun
leh thuchah pawimawhtak genna nei in, Unit chuom
chuom a lawiupate haw tilkhohna thuchah genna
aneih zawm ngal hi. Aman a genbeh na a chun unit tin
a lawiupa teleh Sub Hq lawiupate haw hih thu neuh2
ei chawk buoi guo um mahleh Lunglien tak leh Saipi



guol in chieh zing hitiu tih a deihsakna thuchah
ana Phuong hi.

Chun, Pautinkhuol, Secretary in report piekna
aneih a, Sub-Hq Zone I huopsung ahin Unit 35 ana
umzo a, OB 10, Executive Members 12 leh Adviser
4 aum hi. Chuleh Unit tin in le report chawmkim
takmai in piekna anei ui. MPC in 2017 budget ding
in 2 lacs luih dawkna le anei zawm ngal ui.

The 2nd General Assembly hun ahin palai
chuom chuom ten Agenda pawimawhtak tak gen-
khawmna anei ui.

1. Assembly hun namdet, 2. Office Building Chun-
gchang, 3. Budget 2017, 4. Leadership Training
5. MLA Election,
Thu leh la pawimawh haw genzawh ahih tawh
kizawm in Pu Thangpau, President in Assembly
khakna anei hi.

NALON KHUO IN CENTENARY LOPITAK IN MANG



Henglep Sub-Division huopsung a um Nalon Khuo in a kum za (100years) titna “Centenary Lawpna”, January 12 zinglam 11am in Centenary Hall, Nalon khuo ah lawhtingtak leh lopitakin mang. Zie hun guon ahin Pu Ngulkham J Gangte IFS, in Chief Guest hih-na pawimawhtak tawh thuoh in Centenary suong hawndawkna anei a, Rev Retd. Mangkhokam Gangte in Centenary Suong Pathien kawm ah hlat thiengthona anei hi. Centenary suong hawn ahih tawh kizawm in Lawiupa te hawn Centenary Dak 100 vei khetna anei zawm ngal ui. Dak khetzawh in Hall programme neihpat ahi ngal hi.

Hall programme hun ahin zaila awithiem taktak – Daniel K Gangte, H Kailalmuon, James Arjun, Jerry K Bieklien, Tracy Ngaihching, Nunthar, Julie Mawi leh adang dang te haw apat ngaihthak ahi a, Daniel leh H Kailalmuon in Centenary Lapi sakdawkna anei ui. Pu Lungin Gangte MDC in Centenary Souvenir hawndawkna nei in, Souvenir chanchin chawmkim tak mai in Pu Suongkhogin J Gangte in genlatna enei zawm ngal hi.

Nalon khuo in Centenary alawpna hun ah mi pawimawh tamtak aban ah Social Worker tamtak in le ana uoppih ua, Pu Letzamang Haokip, Pu T Manga Vaiphei, Pu TT Haokip, Pu Genneikhpup te hawn le hollimna hun anei ui.

Programme bangcheng zawh ahih in Centenary Celebration committee in Centenary ankuong luihna anei ua, Siel khat leh Bawng khat in guolvakna anei ui. Centenary lawm ding mun chuom chuom akipat mi 800 vel ding ana chieh khawm ui.

AIR INDIA INTERNATIONAL FLIGHT CABIN CREW THAK LIKLEKHUN MUTHAK



Miss Mercia Nunsang D/o Elder Mangminthang, Anpak Colony, Chiengkawnpang, Churachandpur in Air India, A Star Alliance Member, Northern Region (Delhi), Government of India nuoi a Flight Attendant cum Cabin Crew ana mu a, tuhin tha 3 sung ving veng Mumbai a Training hun zo in, January 20, 2017 leh join ding ahi tai.

Amah hi International Flight Boeing 777 (300ER and 200LR) a hun sem ding ahi. Northern India Delhi based hi ding ahi. Amah hi ei Gangte sung a International Flight Boeing 777 (300ER and 200LR) direct a mu masapen leh India gamsung a ding zieng ale The Maiden Batch/The First Batch hinalai ahiu ui. Maban hungtung ding ale gam leh nam dinga Aviation lam tawh kisai a khuom pawimawh mah mah ahung hih ikinem hi. Huichim team tenle ikipah-pih takzet ui.

Lawng sunga SOS signal a amat dinguh rocket san (Red) ana puo tel tapuo’u hi. Rocket san hih lungdawn na a matding ahih ziekin lungdawnna tuok dinga aki ginchâk loh ziek ua ana puok tel loh uh hiding ana hi. Lawng chuh sie henla tum ding hitaleh atummang kêi na dinga chuh dâkkâl 3 ting tavâng hun um ahih nâklai ziekin aumnau a pata miles 10 chauh a gamla SS Californian kiti lawng lien dang khat kitawl ahia, zie bêk chunle hun delh man ding ana hi. Mahleh signal light akâpdawk sun uchule avâk avâm (white signal) ahih ziekin delh ngailo a ageluh hiding ana hia bang ahim khat kipahna thil um hidinga agel ziek ua adelhloh uh hiding ahi.

Chun, Lawng chuh sie tamahleh ki hûkdawk na ding lawng neu (lifeboat) bêk chuh kining ting takin ana puo le’u lawng lien sunga chu cheng chuh abawn ua ana ki hûkdawk man ding ahiu hi. Mahleh aki muon bêk ziek uchun tum theilo dinga ageluh lawng sung achun lawng neu (lifeboat) puok ngailo a ageluh ahia, zie ziek chun apuok sunsun uchule a cheimawina maimai dan in aum dawktai. Lawng neu a ki hukbit ding dan le ana ki sinsak loh ziekun apuok ding zah ule ana puo ta puo’u hi. Zie lifeboat haw chu chutna dinga awng nalai mah mah ahi ti’n akigen hi. Bawl khielh ngen bawl khielh ngen ahi ta a thil khawktak chuh ahitai.

Zie guol hin ei gingtute leh Nam tawm te hih thil neucha cha ngaihsak lo a ikawih teu hih ithihna dinguh le hung hithei ahi tih ei muhdawk sak kit bawktai. Thil neuchah bawlkhielh zieka

sietna lientak tuokthei ihu tih ei muhdawk sak hi.

Zie Titanic lawng lien tuohsie tuokna a pan hin mimal leh adiek takin ei Gangte nam lungsiet um te chittheihna ding atam mah mah hi. Ihetloh kal ua Pathien do a ina pan nau um kha ahi die aw !!! Pathien mit-muh a thêt umtak kiletsakna, ki lopisakna, bawlthei kisakna, lien kisakna, tam kisakna, mi sânga khangto zaw kisakna haw hih mimal leh pawlpi a le nasa taka bawlkhielh theih anahih ziekin chittheih apawimawh takzet hi. Insunga pa khat, Sapchuom lawi upa khat, Nampi lawi upa khat nahihleh nazi na chate, na sapchuom te, na nam liengvai te a dinga kuongtawl nahi. Inkuon leh Nampi kuongtawl kiti hih mawhpukna lientak ahia ngaihnpê loh hiel ding ahi. Na kuongtawl chuh abit ahi na’m ? Bang tawbang captain nahi’m ? i mite damna dingin kuong chawlhna mun itawl lut nadem? tih ei ngaihtuoh dawktak mah mah hi.

Tuni tienga inam sunga, lawi upa, khuosung hâusa leh officers huntieng Pathien hezing kawma hinkhuo mang ineih nâklai te hin mipite damna dinga lawng chawlhna mun bit taka ei tut dinguh kinep na lientak mipiten anei zing hi.

Atawpna dingin zie Titanic lawng lien thusim a pat hin thilmak tak khat genbeh loh theihloh thilkhat aum hi. Pathien hih agingcha te a dinga thilmak hihsekpa ahihna lawng sunga nasêm (sailor) khat thusim mak-tak khat ana um hi.

Sailor kitite hih amau ki hûkdawk dinga kawih hilo in

midangte hûkdawk dinga kawih ahih ziekun midang hûkdawk na dinga pan nasa taka la ahiu hi. Lawng chuh ahung tum phetin amah le tuinuoi lam asepsuk ta a, lawng a meikhu lawng sunga tui aki khawhlut lai in amah chule ahîplut kha ta a, engine sunglam sehna’n akinei ngâl tai.

Zie lai tak chun, aneuhlai a Bible châng ana sim zing khah alungthim ah ahung kilang a, zie Bible châng chuh tuinuoi apat chun ahun kiko pih zieng tai. Bible châng chuh, Psalm 91 : 11 hih ahun kiko dawktak pih ta a, tuinuoi a a aw git chuh kuomah zâkpih ding hiki mahleh chun-glama ana mu zing pa Pathien in anaza zinga chawmkhat zawh in lawng engine laka boiler chuh hung puok kêk in zie hu chun meikhu lawng chuh zuito in tui tamtak ahun zâpdawk leh zie sailor pa chule ahun thehdawk khawm kha ta a, sâng takin vâ-lamah akikhawhto pai a, ahung leh chuk kit phetin lawng neu (lifeboat) a kitawl te kawm tak a chun ahung chu thadak zienga ana kâidawk ua ana ki hûkbit hi USA atun phetin US Senate (Ei uh Rajya Sabha tawbang) member te kawmah a testimony chuh ana phuonng zâk tai.

Insung, mimal, sapchuom leh Nam sung zieng hile haksatna tawp khawktak mah leng, mihiem te’n ahitheh talo ding tia igel nung inle Pathien in asutuok theh nalai a, ei hûkdawk theh nalai hi tih chien takin alang hi.

Lalpa Pathien a nei Nam hithei dingin Pathien in Gangte nam mite ei vângsak ta hen.

UNCLE TOM'S CABIN



-- Soizalal H.Thangjom

Uncle Tom's Cabin' (1811-96) ziktu hih Harriet Beecher Stowe ahi a, a lehkhazik hih 1852 akhah ki published a hi tai. Chun, a thusim hih tup nei taka kizk ahi a, mite lungthim a 'suok, gancha guola etkawla sukгимtheih a hih zieu kihetdawkna ding deihna a zik ahi. America gama suok leh sala tang, Negro te gimtheih zie a het-chet banah, zie sukbeih theihna ding chuh hawlin a pasal tawh suok suok leh tamtake suoh-chakna ding lampi siema zalenna muna kawih theihna ding ti'n Underground railroad siemsak chuh Pathien a amawhpuknau guola ngaiin theihtawp soh in a hun siem tau hi.

Harriet Beecher Stowe hih Pastor chanu ahi a, a nungak lain Sunday School teacher in ana pang hi. Pasal ahun nei a, apasal chuh College Lecturer khat ahi. Pathien kihcha mi tak ahih ziek in a pasal college kaih kal leh a chateu

thum ana enkawlin hun a mang sek a. A hunawng cheng leh Afro-American (Negro) haw chansiet zie leh a thawkna hawu chuh gelin a khuoisa vung vung mai sek a. A thilmuh leh hette haw chuh lehkhabu'n a hun zik pan ta a. Zie thusima chun amah ngeile Tom zi Eliza tin a kizik hi.

Zie lehkhah chun Novel/fiction dan a hih ziekchun amah do te'n le chang takin thubuoi a siemsak theipuouhi. A lehkhazik ziekchun mite lunggilah suok leh sala kmat leh kineih phasak lohna nasatak a hung pien lawh ta a. Zephetchun, zie chungchanga kihona chu ahun pundawk tau a. A kihokhawmnau chun kinielna nasatak a hun suoh a, a tawplam vang chun kisuolna hung tung in zechun America ah CIVIL WAR (Tuolgal) a hung pien lawh hiel mai tai.

USA hin 1776 in British vaihawmna nuoi apatin Independent ana mu tau a. Zehun lai chun State 13 chauh ahui a, tuhin chh State

50 hiel atung tau a, a sukladnau chuh a National Flag uh a aksi 50 a kawih ukhuh a hi.

Africa khuh gammawl tak 'Dark Continent' ana kiti hiel ahi a. A mawlnau lemchanga mangin America leh British te chun Negro te hih suok leh sala sumdawnna'n ana mang ui. Agam uah achieh ua, zahngaihna bei keiin nu leh a chate, zi leh pasalte haw chuh a nawp nawp uh manin Lawng ah a siemlut ua. America gamlam ah a tawllut ua, thikkhau a khit in bazar ah secondhand zawk taka a zawk zieng sek uh ahi. Nucha'n pacha'n, nupan tih hawle umlo, a chaw dingte'n akawk kawu uchuh aman ding kiho in a In lam uah a kikaih mai uh ahi. Kingai a kithalah a kikah hawnle umzie neilo ahi. Achawte chun a In uh a tut tieng uleh a deih bang bang ua abawl mai uh ahi. Ganha leh thuom-phuo guol mai ahih ziekun a neit'n anop nop a that ua, anawp uleh a zuoksawn ua himai.

Awle, amau ziekchun Tuolgal khawktak mai ahung suok ta a. Pawlnih a kikhen in kidona huoisie taka hung um tai. Simlam leh Mallam kido tih a het ahi a. Simlam ah General Lee chun ma akai a, Mallam chuh America President Abraham Lincoln in a makaih hi. 1863 kido huoisie tak hunlai chun Abraham Lincoln chun zie Uncle Tom's Cabin ziktu Harriet Beecher Stowe hih sam in hetthiemna thuktak nei kawmin tawt leh takin "Thisan zezah zozai kisuohna hih nang ziek ahi" a tih khum hiel hi.

Africa gam apata ahun tawldawh hawu lakah Tom hile ana pang a. Amah hih milien, pienpha tak, tangval dawng ana hi. Amah

KHANGLAI 2017 KHAWMPI LAWHTING TAK IN MANGZO



Evanglical Synod Sapchuom a Central Kristien Khanglai Pawl in kum 3 zawh cheng a amat uh Khanglai Khawmpi chuh tukum a 'KHANGLAI 2017' tia minvawh leh "Youth For Christ" tih thupi a mang in achiehsa 19th – 22nd January, 2017 kikal khan Phaijang, Thanlon Sub-Division Biel Headquarter mun ah lopitak leh lawhtingtak mai in amang chai tau ui. Zie khawmpi ading Khanglai nungak tangval malzin mi 873 (register kibawl cheng) leh Gari a lien a neu 35 ana kisukhawm zo hi.

Khanglai 2017 khawmpi Hall hawnna hih Upa Ngultinhen, Founder KKP in anei a, Upa Lamkhodem, Vice Chairman, CKKP in khawmpi hawnna anei zawm ngal hi.

Khawmpi hunsung ahin Speakers Evan V Lienthuom, Rev S Thangcha, Rev T Kampu, Rev T Gangte, Rev Henkholien leh Rev Thangkhoiem te hawn Pathien thuchah genna hun mang in, Pu S Thienlaljoy Gangte, Pu H Thanglienmang, Pastor D Ginsang, Pu Henminlun te'n khawmpi hunsung ahin Sharing nah un amang nei ua, Rev K Siemlien, Pastor Goulienmang leh Rev T Kamgin te hawn seminar paper chuom chuom la'n Resource Person hihna tawh khawmpi uoppihna anei ui. Nk Lalparzo Sanate leh Nk Tracy Ngaihching te'n Pathien pahchakna la sa'n mipi ana kai huoi ua, Chuleh Lapawl sakna Biel tin – Phaibiel Choir, Saichang Biel Choir leh Tuilangkhuol Sapchuom choir- Synod Headquarters Chuch Choir, Shillong Church Choir, Bijang Church Choir, D Phailien Church Choir, New Lambulane Church Choir te hawn khawmpi hunsung ahin anei ui. Chuleh, Sacrament ankuong Pastor Th.Mawia, B/S Tuilangkhuol puih huoina nuoi a neih ahi.

Khanglai vaihawmna hun ahin Khanglai khawmpi kit 'KHANGLAI 2020' hih Saichang Biel in a host ding a lemsak ahi a, amun leh muol ding vang chuh hatchet ahi nai puoi. Hetttheih khat chuh KHANGLAI 2017 Budget hih 15 lacs guon ahi a, Pathien vangsakna leh puihna zal in 20 lacs lam hiel muhdawh in a um hi. Zie budget chungchang ahin kipahpih umtak mai in Sponsor mi 101 muh ahi a, chun, adiek in Event Sponsor Parpui Gangte – Shaw leh IC Project in Rs 3 lacs gel in sponsor ahun bawl ui. Khanglai 2017 project ding in BS Quarter sak ding tih ahih tawh kizawm in khawmpi hunsung ahin BS Quarter sakna ding in Ground Breaking na le neih in a um ngal hi. Khawmpi hunsung ahin Sponsorte haw kipah thilpiek 'Memento' piekna neih ahi a, chuleh Khanglai Bible simsuok mi 60 val te haw kawm ale Organizing Committee in memento piekna anei kit hi.

Khawmpi programme lawhtingtak a matzawh ahih tawh kizawm in Rev Lamkhawsat, Chairman CKKP in Thakna thuchah leh Khawmpi khakna nei in KHANGLAI 2017 khawmpi lawhtingtak in matzawh in a um hi.

2017 KHANGLAI CONFERENCE A KIGEN TE

- Compiled by: Thanglalmuon

1. Council zawh apat tuni chan ahih Khanglai 2017 ka mat pat ahi tai, La le ka phuok a akaih ding ka siem man puoh chauh a ahi – Pu Pautingou, Chawngmun
2. Nalh chuh nalh ngawt ui, amah vang Lalpa'n bang eiti muh dem ka he puoi- Evan H Lamgin
3. Khanglai 2017 sunga pahchakna la kisa haw hih midangte la sak sang un, Gangte La nah un sak uh khan ei sukha pen a Thagau inle ei pawl pen in ka hei – Pu Zaia, Haran
4. Khanglai 2017, Phaijang a imat uh khah a nuom ka hah sak ie, Thugen a kilam mai chuh ei kha e – Tv P Pauzagin, Phaijang
5. A umlo umlo hi Gangte pau tihloh a pau dangte'n nei puon au, zie hi a kim kei tihna ahi. – Rev T Kapcha
6. Tui mangthiem ten paisa le amang thiem tei sek ui, tui taksap zieka a agen ah. – Pu Siema, D Phailien
7. Anchang kita sam ding a na ginchak uh eh ei hun hih un ken hawl ingka, ka bat theih theihna a bang ka ting theih tawp suoh ding a kimansa ka hi.- Pu Hengkhohlen, Chief of Phaijang
8. Daniel Thagau, David Thagau haw kha hung tho kit in mi khat chuh ah ahung chu a, zie chuh kuo ahih na heu hi? Zie Thagau chuh Sappa Thienlaljoy chungah achui.- Rev T Kampu
9. TUchung Khanglai 2017 ah Tuilanguol biel ten bawng nih that in Khanglai 2017 avai tun uh a, kipah aum e Lalpa'n Khanglaite vangsak ta hen.- Pa Muongpi, Headquarters.
10. Kipahna hileh nawpna hileh Lalpa atel loh chun akimlo ahi tih Khanglai ten hei tiu, tuchung in guol ka pawl man puo'n ka lawi phapen chuh generator hi ahi. – Pu Goukhosiem, Bijang
11. Tuchung a lawi upate'n ki ngainiem tak a mipite lak a a na hung nek zing uh khah ka ngai sang uh ie, khuti lo hileh khanglai te khah hun tieng a chuom a an kihun ding a kisa ka hui a lawi upate ziek a kihun mawh hiel ei.- Khanglaite
12. Phaijang a chanchin pha hun puolut masape chuh Rev Lienrum ahi a, achate lak a khat

Phaijang hausa pu min a lawh sak a Nungkhohlen milo in Lienlalven asau hi. Tun amah Rengkai ah acheng a kum 92 ahi tai.- Upa K Zawlp.

13. Khanglai 2017 imat uhih suihlung ahel ie, Khanglai ka na patdawh pihte adam a um ta puou a, kei mai hih adam sun ka hi ta mai a, amau le thagau in ilak uh a hungtel ngei in au.- Upa Hena, Bijang

14. Ka thugen na ding ahin Confident ka nei hi, aziek chuh tuhin ka lawinu leh ka nun ei pacham sak ding ahiu.- Pr. D Ginsang

15. Khawvel a thil khawklo chuh i het na midangte piek sawn hih ahi. Thu hawih thu pha na piek sawn leh nang a kiniem puontin pung deuh deuh ding ahi. – Pu Joya

16. Nikhat in Dak 10 in Office ka tung zing a, ka nuoi ate ka makhelh zinga nitak lam leh anunun pen in ka pang zing a nikhat in Dakkal 10 sung Government na ka sem zing hi. Chuleh Khanglai te sapchuom ading in gin um in um zing hitiu, keile sapchuom ading in ginum zing ding ka hi. – Pu S Thienlaljoy

17. Mi dangte'n le lasa ding in ei chiel zing sek uh a, tun nang un nei hun chiel uhih ka kipak hi.- Nk Lalparzo

18. Bawngkawn te i pawimawh ta puou tun, bawngkawn te sanga thiemzaw ei unle i nei tau hi.- Tangval khat

19. Lei Chi hih khawvel a mithiem ten damdawi in amang uh a, lei chi bang a hih Khanglai te na um ding uh ahi. – Rev Henkhohlen

20. Nang haw Gitloh bawltawh, Khamtheih bawlte gitloh bawl aki batloh ziek in Kham theih bawlte maw kawih chuom ding ahi puoi. – Loon Gangte

21. Jacob lawi, Peter Lawi hun lai ale Khamtheih bawltan ka thawk lah pen uchuh na nung chang uh hi ahi, nang hawn ei lungsiet kileu chun le Isu'n ei lungsiet hi, en kilungsiet samlo a, Isu a lungsiet ding a sawl sawl ding ahi puoi. Amaule mihing khat ahiu a mihing khat bang a na ngaih ding uh ahi.- Loon Gangte

chawtu chuh Mr. Shelby, Mahajon phatak a hi a, azi le sakhawmi, amah le Pathien hemi khat a hui a. Tom chuh a compound sung uh thingtum kisiekhawmna munkhat a kul siemsak in zechun a kawih ui. A chapa naupang deuh khat in Tom chuh a ngaina mah mah mai a, a sap tieng 'Uncle Tom' tin a sam sek hi. Zezieka chuh zie thusim hile 'Uncle Tom's Cabin' tih minpu ahi.

Mr. Shelby te hih Kentucky a um ahiu a, mi khawsa thei Inkuon ahiuhi. Tom hih a sep abawl bangkima mi ginum a hih ziekin a pu'n le muongin Insung mawhpukna, sumlepai na tiengah a pie a. Thiemna lam ale apu sanga sangzaw ahi. Amah hih zetak a hung masang kumli vel a khah ana piengthak ahi a, lasak a nuom a, Bible simle peihtak a hi.

Nikhat chuh mihausa deuh khat hih a Inuah bat bengin a hung leng a, Shelby hin kitatdawkna lampi a neihloh ziekin a suokpa Tom chuh zuokdaw mai ding in a lung supuk tai. Haley chun le a vak ena, a dei ngal mai hi. Amah chauh le hilovin George leh azi Eliza tawh a chapau Harris kum 7 vel mi chule zawk ding laka telkhawm ding tia akihonau huh ana he gu'n a pasal chun, "Bang ding a le hung pieng khel na hi ta'm, na mel hih ana mu selo ana kihi zaw mai leh maw! ti'n kipawm tuoh in a kap gel maitau a. George chun hitihin a hun tia, 'tuzan ngei hin ka pistol tawh zalenna gam Canada zuon a taidawk ding ka hi, a delh ngam a um uleh ei hun delh uhen' ti'n Eliz chunle, "Lalpa'n na lampi ah hun veng hen, keila ka cha tawh khena um sangin thih le thih taidawk zaw mai ingka" atia. A pasal chunle dama I dam phawt uleh,

suoka na um lele hunk hat chuh hung tandawk tho tho ding ka hui aw" ti'n a thamuon a.

Khutichun, Eliza chuh zankhang lain a nik apuon a, lamkal a nek le chak mamawh ding haw chuh kipuok in In apat chuh aguk in a taidawk ta a. A cha somkawm ahih ziek chun deihbangin a taihat zo puou a. Khuo a hung vak phet chun Heley leh alawite le amau haw pawdawk ding chuh ahung tung tau a. A hawlviel uleh a room sunga chun ana um ta puou hi. Sakawl leh Uicha mangin a hawl tau a, a nungdelh tau hi. Zelaitak chun Eliza leh a chapa chuh Ohio luipi uk sahna laia chawmtha a gallangkhat kaita chuh avak galmuh tau a. Zie a ana panpihpa chuh Symmes a hi a. panpih nuom mahleh hukdaw zolo dinga kigingcha'n mun gamla deuh a vak kigalmuh compound lien deuh khat a vak kawkmuh a. Zie a Inneipa khuh mipha ahi a hun panpih thei ngei unau ti'n a sawl ta a. Zie Inneinu Mrs. Bird chun ana muh muh in Insung ah a puilut ngal a. Amah kengtaw langkhat chauh, a puonsilh tuin a tawhmang sak ahih amuh in, a lungsiet mah mah mai ta a. "Khawi a bangti dana hitia hih hungkha na hui em? Ti'n a donga. Amau chun kei uh nupa'n hih Kentucky apana hung taidawk ka hui a, ka pu'u in ka chapa'u Harris hih midang kawmah a zuokdaw guo a, amah tello a hih um theilo ka hih ziekun leh amah sun hih ka hinpihuh ahiziek in Mrs. Bird chunle mitthi thiek kawmin 'kei hile ka cha it mah mah chan ka hi' ti'n kap kawm kawm pum chuh thil umdan haw a genkhawm ua. Tichun, a vanhaw thensak vekin, kuolna ding nuomtak a siemsak ta a. A Inneipa chuh Senator ahi

a, chapa 7 Feet 7 a sang chiet anei a. Mihangsan a hihziekin kuo cheng inle Sakei lauh a alauh chiet uh ahi a. Amah hin Pathien in a mawhpukna dinga apiekuola ngaiin saltang suokcha chengte chuh zalenna mun Canada lamah ana thaklut jel zel sek hi.

Zan a hung hih phet chun Mrs. Bird chun Eliza ponak lum ding leh a janpuon a siemsak a. Van laka chun kichepna (dols) hawle a telsak a. A chate nih chun, "Henu, bang atia ka u vanhaw na piek a him? Atih uleh anu'n, "Van apan in na u'n hun en intin Harris hih lungsiet mah mah dinga hi, zezieka chuh amah kipahna ding ka bawl ahi" atih saka. Khutichun, zankhang pi nung chun nucha'nte chuh phawngin driver khat tawh gammang lam zuon ding in a kipandawk tau hi. Sawt deuh nung chun Van Tompes In chuh atung tau a. Senator pa khanle a lungsiet ziekin dollar 10 Eliza mat ding in ana pie'i. Chawmlokalin a pasal deihtak George kha tawh a kimutuoh kit tau a. Tichun, Canada gama chun nuomtak leh lungmuong takin a khawsa tau hi. Chawmkhat nung chun French ah a pemit ua, University ah enroll kibawl in Education lamah sangtak in a v zo hi. Kumli vel nung chun French Revolution ziekin America a hung tung kit tau a. Zie a kipan chun George cunle salatang haw zalenna ding ngaihtuohin nasatak in pan a hunla zel a. Nasa taka avei chuh supiting ding in theitawpa hun suoh to zel hi.

Haley leh a alawite a suok chawkteu khah pui zlin a zawkna ding mun Orleans gam luipang khatah mihausa khat St. Clara kitichun suok haw chuh avak etviela ahi-

hleleh Tom khale avak mu a, 'Aleh, na pu'n a hun zawk mai chuh miphalo khatto a him'" atih leh Tom chun aw nem takin, 'Ka Pu chuh mipha tak leh ei lungsiet mah mah ahi. Hilele, a dinmun a thilkhat ziekin etkawlthei ta puoh a, ei zawk mai a hi. Pathien lem-saka ka dam zel uchun nikhat tei chuh ei hung tandaw kit dinga thu ei vâithak ahi'.

Zelai chun a chanu, melhawih tak mit buong hii hiei a kawma ding chun Tom chuh a dei mah mah mai a, apa kawmah chan ding in a ngen a. Tichun, Haley kawma pat chuh dollar sangsawmle thum in a chawdaw tai. Khutichun Tom leh Eva chuh kingai takin a kipawl ua, Bible sim in la haw a sakhawm sek ua. Eva hih Insung thupi taka seilien leh nuomsa tak himahleh, amah tawbang naupang suok leh sala mat a um, mi'n lungsietna tellova a etkawl hawu chuh amuh tieng leh a pawna thei mah mah sekhi. Amah taksa chulah hisello a hih ziekin khawvel a hih a hun mangsawt lo ding ahihie he'n a holim sek hi. A thih ding kuonin apa kawmah "Hepa, nei lungsi-eta, umna nuomtak, ka mamawh leh dei cheng ei pien nei enkaw-la, himahleh, van, lopina mun a um ka telzaw tai. Mite hih lung-sietna nei takin hun enkawl inla, chunglam Jerusalem ah kimu-tuoh kit nai tiu" ti'n apa chuh a thuvâithak malam hi.

St. Clara zi Marie chuh lungsietna vawplo, kuomah lung-sietna neilo mi nunsie tak ahih ziekin a pasal tawle hinkhuo nuomlo taka mangkhawm a hui hi. Nikhat chuh Uncle Tom kawmah, na In lamah chieh inla, na zi na chate tawh nuomtak in va khawsa tau' atih leh Tom chunle nei lungsietna hih mawkin kei

nawpsakna ding main hun nusieh puongka atih saka.

St. Clara leh azi Marie te a ding chun hunthak hung kipan in buoina'n a hun chup ta a. Azi, migilo tak khan a suokte cheng zawkdaw ding vai ahun sât ta a. Khutichun, Kentucky lama Plantation lientak nei mihausa cha khat Legree kitichun mi 7 a chawkna lak ah Tom chule a tel a. Tom in apu deihsakna changa van tamtak ahun ken leh a Bible haw chule tuolsehna a matsak in tawh leh pek thuoh in bû khatah a va hen a. Nicheng leh a lawite tawh pat leiah pat luokin a chieh sek ua. A luoksau haw chuh a gikdan a tehsak ua, a tinloh leh zleh an ngawlsak a tuok sek ui. Nikhat chuh nungak Lucy, hisello tak tawh a kithuoh khawmkahu a. Tom chun ting ngei ngei ding in a luokpih sek hi. Nasemte enkawl, migilo tak nih Sambo leh Quimbo chun Legree kawmah hêk in, Lucy hin na semlo a Tom hin a luokpih sek ziek chauh a atinga ahun tut uh ahi ti'n, phetchn, Legree chun Lucy chuh zep ding in Tom chuh a sam a, mipi maia 30 vei khauhuo-la zep ding a sawl leh Tom chun, 'jep hiel puongka, ken thilphalo hih lo ding ka hi' atih leh 'ka thu na niel vangvei maw, ka hun chawksa hilo na hi? Ka ut leh hun that thei ka hi ti'n pek tawh zêp a thuoh a. Tom chun, nei chawh ahi, nan a le sun leh jan in sem in-gka, hilele ka hinna chungah thu na nei puoi, Krista thisana chawksa kahi atih khum leh Legree chn-le 'na Bible in na pute thu thu'n um in' ati hilo mawh? Ti'n a suok migilo nihte kawma chuh athih machenga sawi ding in apiedaw tai.

Khuti a thi kai zeng zun-ga thih hisuola a kawih uchuh

jan ahung hi a those, thovai in abawm uh amah ki enkawl zolo a aum lai chun janthim sahtak noi ah mi chieh thawm avak za ta a. Avak et leh suok numei khat Cassy chun meivak hun de'n a hun zuon a... E, Lalpa hun sawl na him? Tui ei pien tin a ngen a. Tichun, tui a piek zawh chun a liemma leh thisan haw chuh thek sak in akuol phat saka. Cassy chun Tom chuh mi nunsiepa thu zui mai ding in zawl mahleh Tom chun, Pathien in migilote a ding in a chapa hun-sawl in Kross ah ahung thi a, Pa changlam ah lopi tak in a chutai. Amah thawk banga I thawka amah nung I zuih chun alopina chankhawmpih hiting, I kilepsan chun ei kilepsan mai ding ahi, a tihsak hi. Bang zawnga azawl ziek chunle Tom chuh a thuneh thei ta puoi.

Mrs. Cassy mi chalak tak mai chun suonlam chuom chuom siem in a tawp in Tom chuh a guoka taid-awh ding in a zawl a. Legree chuh athingpi dawnna ding gu ka hel a, tu khuh a buoisiet pet ahi' heicha kawtbul ah ka kawih a, va Tulum inla taihmang san hiti ti'n a zawl a, hilele Tom chun, "Thil-phalo apatin thilpha asuok ngei puoi" ti'n a niel chang kei hi. Isu Krista nungzui a, melmate lung-siet chuh 'Guolzawhna' thipi a hihdante, thilphalo bawl ding a Setan kizawhsak loh ding ahih dante genkhum in amaha ding a pauchap sak ding inle thu a tiem-khum hi.

Casey chuh a lawinu tawh zingkal phalvak velin a taidawh ua. Legree chunle a hetphet in a delh a, mahleh, a delhphazo ta puoi. A hung kilehkit phet chun, Tom in ana he ngei ding a gingcha'n ava dawnga. Tom chuh sugimthei a

YOUR DRESSING STYLE SHOW WHO ARE YOU

-Aric S. Gangte

Tulai a kilekna a ineih gam uh hita, tulai kivandan, kicheidan ahin I Kristien hinkhuo asu-buoi zou tai. Adieka kivandan itihleh a pasal lamsanga anumei lam hih gendueh apawih-na ziek aum in kahei. Adieka nu le pa'n umpihloh te.

Khawpi sunga vak en pan hitiu, Thingtang kuochawng ah ihung kipan ua, Insung haksat zieka nu le pa kithuohpih khakleh tia Sum le pai buoihip a umte (I appreciate them) hinla, 80+% in I hung pawt ua ilunggel uh ihengilh gam tau a, nawpsakna zawk ibuoipih zawtau in akhawh mahmah hi.

Bangzieka NE numei te namdang/zatdang ten enlah mah2 ahiu em?

Ei NE te chuh khawlai ah puonchen/bangchen tih umlo, achawmthei lamlam a kivan hih iut zaw tau hi. Agamnei lam chuh Sari/bangri tawh akivan uleh abangmah uh etlahna di muh in aumpuoi. Hinlah, ei NE te chuh asingthei china pheika cheng, puonak angawng lientheih china lien ki-ak, zatdang kivan dan tawh tehin min eisu khalo zak2 uh kasai.

Langkhata, Manipur ihung khel uleh kiki maw ngaihsan, I nungram ki hepha talo. Sum 10000/20000 ihung lawh uleh ichi inam, I insung, I pathien nasan kihepha talou, eimah taksa nawpsakna ding ahih phawtleh tia lunggel a hinkhuo mang hih mita tampi muh in aumtai. Bangalore, Mumbai, Delhi, Chennai etc a 20000 lawha tawha in mun Manipur a 3000 lawh kibang ahi.

Nu le pa te kawma le gen utchuh- Chale nau te Sumlawh dinga mun chuom2 ihung sawl uhih, khangdawng hawih lailai sum itatmuh paizieng uh hih dik kasa hielpuoi. Zielam ahi tamtak ahung lawh sang ua Inmun a septheih2 sepsak leng hawih zawn na. Ahi! Khenkhat chuh ginumtak leh thutak taka sem um nan na, hinlah Entiem u! Sum in mi apuihsiet dan chuh nichenga sum neikhat in iduh/ingaih eichawksak zingleh bangzieka kikiphal lohding ahim tih eimuh sak hi.

Gamnei te kivandan leh eite kivan dan hin eimuhsak chuh, nasum eihawm inla na ut2 eilawh in tihnan muhthei in aumtai. Vakgen mai2 leng! Bangalore kum4 kaum ta a, ka um tung lai ah House visit akinei seka, nupan la hilo, unau la hilo, In bahara laktheih nadinga Nupan aki-gen, unau akigen, Amaula dawngma chan mai2 tih tampi mita muh in aumhi. Mi vakhat akihia, muhloh ding tampi ava kituok kha vuotsek sekhi. Aveka khuti tihna vang eipuoi. Insunga nuleh pate'n lunggel thak kin un, Chanu/chapa khang hawih laitaka munchuoma sum-lawh dinga kihung sawlzieng vang chuh kangaihdan ahipuoi. Haksa lele in muna sephawma, nekkhawm chuh aphazawi.

Pathien thulam ah vak etkit leng! Adieka Company liendueh a nasem tevanga Saturday leh Sunday hih sutu pielo ahiu in, Kikhawpna hun aneipuo, Bible simna hunle aneipuo hi. Mi kahet sun2 kana houpih seka, Bible nahung kipuok hi? itih leh I tihih atawm mahmah hi. Zalen ding a hung ngawt hile akilawm maitai. Kikhawm la kikhawm thei lo uh, Bible la simna man neitalou uh, bangti hinkhuo kitup taka mang tadiu.

Ahilohiel igenkhak aumleh Pathien mina ngaihdam kahun ngen hi.

Atawpna pena igen utpen chuh (Diehsakna ziek) Nule pate'n chate khanghawih lailai Khawpi sunga sumlawhdin sawl tapuoi tiu.

Model ana hi sek, magazine-a suoh dinga ngawncang ngata limlak ana kila ngam Melania Trump hi Slovenian gama pieng a hi a, US First Lady te laka gam dang mi umsun a hung hi tai. Donald Trump hin Melania a neih ma hin zi 2 a na khen ta a, Melania hih a zi thumna a hi a, First Lady te laka President zi thumna umsun le ana hi ahi ta chu. Melania hin Slovenian, English, French, German, leh Serbian pau haw a thiem a, nu fel tak chuh a na hia hina, a minsietna lam bangmah a chanchin a muh ding ana um loh dan ahin. Donald Trump hih Playboy magazine March 1990 cover-a le a limlak a na chuong ta a, zietawbang magazine a limlak ana chuong umsun US President le ahi bawh hi.

1. Ahim him in lei chunga hih numei ana umlo hitaleh, mihiem haw hih bangtin ahungpieng tading um? Pasal khat apienbeh ding leh Pathien in tungman akhawh zel zel ding chuh bangtin abuai dem? Numei umlo ahihtak ziek'a chuh pasal ahung piengtha hawchuh pasal sunga hung pieng ding hikit taleh, pasal bang tawbang hawchun nau aneih uha, bang tawbang hawchun nau avawpdiu ahidem?
2. School leh College kaih hawle nawpmawh chuom maithei venti ! Chemistry practical phat leh test tube kihawlmawh sak'a pasal dang haw kawm vel a vadin vielding chula kuomah thanuom beksam puontin, biology practical Sazu nou kihcha'a i-nung'a hung kisel ding la umtalo maithei nalai.... Ahihloh leh History class a Akbar chuh kuo hita tia i-lawipa vakdawt ding chule haksa thim venti.
3. Paten top-up manding eipiek'uh top-up sanga canteen a chana nekpih dingla um talo ding, sum vang chu lieu lo maithei, hilele top-up thun'a sawttak tak kihopih ding leh, lehkha simmawh zen'a sms kitha'k pih ding le um talo ding eive maw?
4. Home-work byheart lohziek'a kizep ding hile, Teacher chengcheng pasal ngen hita ding, awl'a ei zep dingla umta lo ding, athuok'a panpan zieng ding himai. Gift zuok tenle khawng tamthahah puonau. Annual sports a hahpan'a i-pan vanga refreshment pasal ngen in ahung hawpding chuh ngaihtuoh kit nalai tie...
5. Bazar'ah kivak dawh henla hileh nikchawm singtiuteu cheng'a kihawt zetzet'a lamzawt muhding la um tapuon tin, garineu'a goggle kibelh'a huih in a sam amut leng zinzen la kimu talo ding, i-muhsun chula pasal ngen hikit ding hi ta.. Nungak en'a lampi pang'a din din zieng le umlo maithei ahitai. Tawmngai tak'a nungakte muhna ding'a nasem haw chengin la sempeih tapuou untin, ning kitel aumding dan maw?
5. Khawp aum ding dan chuh, album etding le umkit lo ding hinalai. Pasal ngen lamna chula ki en sawt peih puon tin...
6. Khuti le vang, napawimawh leh khawh tak neihaw tihloh ngal akuomah cheng garineu inle mawh taih viel viel ngap khel puona. Lei chung ahin numei ana umki mawngmawng taleh pasal te gimtheihna asan ding dan chuh ahung piengdawh chasun kisik paipai ziengding ahiu ai... Aziek chuh nausen in chepding nawitui la mutalo ding, agimtheih nia aki ngakna ding anu pheichung amuhloh ding ahi tai. Ahung tangval tawh kitawn'a alungmuonna ding nungak mukit loding hinalai. Upa ahih nunga athamuon nad-ing azi umkit lo ding...
7. Zie ziek'a chuh numei hawhi Pathienin pasalte dinga thilthawn'a ahun piek tawbanga i-neihuh ahi. Zie ziek'a chu akiman man in numei musit tak'a bawllloh ding tih hih Pathien deiham ahinding ginchak aum hi. Belkek vak tawbang numei lungsiet thiem ding chuh pasal te mawhpuokna ahi.
8. Alangkhat'ah numei le pasal umlo hileh leisiet chung nawploh ding dan chuh kuomah le pieng ngap puona. Anih gel gel'a aumloh leh thil khawktak khat hung tung zieng ahih ziek'a kilungkhat tak'a na aseph khawmuh ngai ahi.

30 Huihchim - Jan & Feb 2017

70

chutna lawnglien u hin chuh buoina mun lam ei zawtpih guo abang tai maw. Mihingte hile I kinawh mah mah mai tau hi. awl a lam chieh thei le um talo, delh khat nei guol hin a taih in I taih thawh dupdup mai tau hi. Khawvel hin lah let le lal kichuh in, thuneih ut in, gam zauh ding mai I ngaih-tuoh tau a, Kristiente nasan in awilo mite lunggel I kikawppih zo tau a, thagau mangthai ding khanglai tampite hi I Insak, I Inthangte Manipur sunga I chenkhawmpihiteu un ham-phatna a muh ding hawu nasan deihsakna nei lo hiel a, ei mau Insung maicha en a, thuneihna kichu a I um sung uhin I hunpha cheng mang zo ding I bang tau hi. Atamte lah kituok lo, atawmte lah kituok lo, duhamna leh deihsakna'n I dim zo tau a, khawvel tawh kikhen malak in, khawvel tawh kihotheih guo'n chunglama hat a lo in, nuoilam ngen ah hat I la zo tau a, suomang tuok lamlien pang vela awn duoi duoi haw hi kuo mawhpuk ahi ta dem maw!! Than khellam akhun chi leh nam, beh leh phung thu kisut ta lo ding ahi ngal a, dinmun pha chuh zieka mi mitmei veng, mi khadang khuota thudik panpih ngamlo a Sapchuom sunga dinmun pha luoh tam hitiu maw. Sapchuom a Election I hun neih zet u leh chuh melmapa'n le amah ticket a ding ding can-

didate ding hawl in a kimuipei hiel zieng sek hi. Department khata amah tun, amah ticket a ding mi nih tieng ahung kaihawdawk theihna na na chun zie department a khan ruling party chu a chansa ahi sek, tu malam khan melmapa'n Sapchuomte hi gal apat in attack a bawl sek a, mahleh tulai hin chu a ngal tak zie, Chair apat a thunun mai tai. Kristmas hun hi Pa Pathien kipahna pen hun leh tha ahi dem, aleh a lungngaih pen hun leh tha ahi zaw dem le kihe zo talo. Mitthi tampi luong pum a I khensateu, I nu, I pa, I suohpih, I cha, I nauteu Lalpa gama ei nangak dinga chieh masa haw kha Mobile phone a vak hopih theih hui henla, dmalai hun na matsung ua Lalpa na na sepnau kha lungawih um na sa nau em? Aleh sem tawm taluo na kisau em? tia vak dawt theih hileh, Hi, ka lungawi taw mah mah hi ti um ding un ginchak aum puoi. Talawm lawm, zie chan kha dam ding ka hih lam he leng, ka taihsan pai ding khawvel thil haw buoipih na khan hun zie zatpi khah ana mang hiel puo'ng ka, kei khan leikha neksiet theih, tui-ek in a suksiet theih haw ngen ka na buoipih a, tuhin hung dam kit thei hileng chu hun mat thiem mah mah ta'ng ka, ti nuom ta di'n ka gingchai. Khawvel platform chung na din hunsung sawt lo hiel ding ahi, mi'n na

thihna ding in bang natna na tel dem hun ti leh, tel ding he khel puo'n la. Mahleh, bangnatna ahi dem khat in chu ni khat ni leh thankhuk thim ah hun sawllut ding ahi. Zie mun achun nisa vak in hun salh ta puontin, thihna khut vawt in hun kawlh intin, akmasa khuo'n in hun phawng ta puon a. Nang tello in mite'n khawvel hun mang untin, kuoma'n hun gelpha ta puon a, vut lak ah na nung kimu ta puontin, na kineihsak mah mah na zalkhun akhan kuol ta puon la. Na khapchak khap ta puon na tin, zan thavak in hun sulunghel ta puon a, na than ah hampa hung zam dim intin, Pathien na sepna ding seken (second) khat le piek hi ta puonla. Tuni hi nanga dinga hunpha ahi a, theh tam chun at tam intin, theh tawm chun at tawm in a. Sap kit theihloh hun chieh sa ngai in kap kai in, thum thum lengle lah hung kinng leh puontin, a kikhelh nung leh tua na hun pha lul zie hi hun heddawk tho tho inla. Thilpha hih dinga na ngaihtuoh haw chu sem meng meng in, kuoma'n na a sep theihlohna ding zan khawthim hungtung pai ta ding ahi. I chutna lawng un zie mun lam chu ei zawtpih zing lai hin, Lalpa hehpihte hehpih a, a ngaihkhawkte ngaihkhaw thei ding in Lalpa'n ei panpih chiet hen.

PRESIDENT DONALD TRUMP CHANCHIN NA HETLOH THIL GIET(8) HAW:

1. US PRESIDENT TE LAKA UPA PEN;

Donald Trump hin ningkum June tha ni 14 khan a kum 70 piencham ana lawm tai, US president ana hita te lakah a upa pen a hi. Ronald Reagan kha kum 1981 kuma US President a hih khan kum 69 mi a hi. Donald Trump hi a hisel ten chuh hina, a doctor chun US in president-ana tel takte laka mihing hisel pen a hi, tin a zik hiel hi. Eimi laka hin a tek ngawl tih hi i gen ten ua, Namlien te laka hin zie tawbang hih um sam lo hileh akilawm hi.

2. US PRESIDENT ANA HI TA TE LAKA BILLIONAIRE UM SUN A HI;

Donald Trump hi US president ana hita te laka billionaire umsun a hi a, a sum neih zat Forbes-in a sut dan hin \$3.7bn (£3bn) hi ding in a sut ui, amah Donald Trump kigen dan chun billion dollar sawm sanga tawmzaw lo nei mi ka hi, tin a kigen hi. Billion khat chuh tam tak a hi; 1,000,000,000 = one billion. Donald Trump hin California Governor lui Arnold Schwarzenegger nung zui in a lawh hi amin mai mai a din dollar khat chauh la ding a hi.

3. MI HAUSA HUOISIE NGAWN UM KHAWMNA DONALD TRUMP CABINET; Abraham Lincoln chun, Democracy kiti thumal hih, "Democracy is the government of the people, by the people, for the people." tin a na hihchien a, Vermont Senator leh Democrat Presidential contender le hi Bernie Sanders chun Donald Trump administration chu : "of, by and for the millionaires and billionaires". tin agen hi. Commerce Secretary nominee Wilbur Ross sum nei lûl zawng hi \$2.5bn vel hidin a sutsak ua, Treasury Appointee Steven Mnuchin hinle sum \$40m vel nei ding in a ngai ui.

4. POLITICS A HUON MIN LOH PRESIDENT;

Donald Trump teltit ahih hi a pawimawh mahmah na chuh a damsunga khawi mah state Governor hi kha lo ahi a, Congress-a senator le a hi kha puoha, politics belah huon min a nahi kha himhim puoha, zielai tak hi mi khenkhat chun a phat zawkna tam tak um thei ding in a gingcha zawu hi. Kum 1953 khan politics luhchilh kha nailo Dwight Eisenhower chuh US President ding in teltit ana hi ta bawk hi, a mah kha chu Khawvel Kidopi II-na a Sepaih lawiupa lienpen, Supreme Commander of Allied Forces ana hi a, Donald Trump hivang US sepaih a le ana pang kha himhim lo ahi.

5. AMAKPA ADVISER ADINGA GUOT MASAPEN A HI:

Donald Trump hin amakpa, real estate developer Jared Kushner, 36, chuh a senior adviser ding in a guot a, US politics chanchin a mahni makpa senior adviser adinga guot um sun ahi nalai hi, tin le a gen ui. Donald Trump chahu upa pen Ivanka Trump hile nu lopi tak leh sumkawveit thiem leh thil hihthei tak a hi a, US President ana hi tate chanute "First Daughter" te laka a lopi chungnung diek ahi tin le agen ui.

6. WHITE HOUSE-A GANCHA VAK TAWM PEN: Kum 100 sunga White House luohu te laka Donald Trump hi gancha vak neilo umsun hiding in le agen ui. John F Kennedy khah ui ngaina tak mai ahia, ui chi dang dang ana vak a, zeilochun, sazupi(rabbit) nasan ana vak sek dan in a gen ua, Donald Trump hin vang gancha hih ngaina samlo hiel dan hileh akilawm khawpmai hi.

7. AMERICA PRESIDENT TE LAKA FREE-TRADE DEIH LO PENTU A HI. Donald Trump teltit hihna ziek pawimawh tak chuh America gam sunga na tamzaw siem dinga ana kitiem ziek a hi pen a, a gen guol tak tak hin BBC Panorama-a America gam steel industry püksiet dan te, Mississippi luipi dunga thing lama sumkawveina a hung kiekniem takluot takzie haw ka en a, Free-Trade ziek hin America gam mipi tam tak in a na thuok nasa takzet namah u ahi hi, tin ana gen hi.

Kum 2015 September tha khan Donald Trump chun , Economist China hin chem. tel lo in i luû eina lak sak uh ahi, a ti a. nasemtu man tawm delhin Americia company lien tak tak in China gamah industry lien tak tak ana mawk din ua, zie foreign investment ziek hin China hi a lien tuol tuol ta mai a. America gam mipi middle class te a gaw seu suou uh ahi hi.

Zieziekchun Donald Trump chun China gama thil siem America gama laklut him him chuh 12% sieh(tax) lak a tum thu le ana gen kha tai.

Thangnimasa khan Donald Trump chun gam 12 kipunkhawmna Trans-Pacific Partnership trade deal chuh nuoi mang ding in executive order a signed ngal a, kum 23 hiel ana mat tak uh Canada, US leh Mexico gam haw kikala zalen taka kisumkaw veit tuohna thuthung Nafta kiti hi le nuoi mang a guot zinglai ahi.

hin,i hung upat tawh kitawn a,thil thak bang mah zil beh in-
eihloh chun, Upa thawn tihna
ahi,Chun, kuo hita leh,thupha
hun hilh in hun kawkmuh
ta leh, Ahun hilhtu leh ahun
kawkmuh tu hinkhuo lam chu
en kiu unla, Min bang thu
ahun hilh uh ahim, tih leh na-
hinkhuou ah bang tawbangin
na namat thei dingum tihlam
hi na gel zawk ding uh ahi.

Hung tangval un la
tin un, mihiem kum sim in,
chapang cha himah leu chun-
le, Lungthim piting tak na hung
put u ngai in tin, Bang tik lai
inle Sakhuo hi hung thahtham
kiu unla, Sakhuo thahtham
him him kuo mah dingdawk
umlo ahi tih hi na het ding
uh ahi, Nicheng a Bible sim le
Paucham hi thahtham kiu in,
Kapa(Na pu) hin, Tanglak Mah-
ni kitodelh thei pan pan ka hih
lai a,Na Pi le Pu te taihsan a,ka
pien apat ka tawhkhak lohna
gam, mel hetlohna gam a ka
chieh ding in tihin eivai thak a,
“Boi, Na nu na pa hin, thiemna
chitna bangmah ka hun pethei
puou hi, Chule Migam mi mu-
ola bang tawbanga khawsa
ding nahim tihle ka hun mu-
pha puou a, taksa lam ah kei
uh na nu le pa tawh kigamlân,
khawigam/khawimun ah um
leh chinle, “SAPCHUOM BÊL
TIN TEN INLA, BIEKIN TAWH
KIGAM NGEI HIM HIM KÎN” tia
eina vaithak na thu hi, nang u
Unau inle na hun zawp ngei
ngei ding uh ahi, a ziek chu
Khawi mun ah um in, bang

tawbang haksatna thuok mah
leng le, Sapchuom bel tin ten
te leh,Biekin tawh kigamla
lo(biekin kai zing) mi chu ag-
imtheih nau le haksat nau hi
THAWNLO ahi tihhi na het ding
uh ahi

Pasal na hiua, khawi
munah um leu chinle, Na
ngaihdan uhi na suk lat ngam
ding uh ahia,Bang tawbang
dinmun ah ding mah leu chin
le, na diknau chu na tundin
ngam ding uh ahi, Pasal ihih
chun,i dikna i tundin ngamna
leh i ngaihdan i tundin ngam
na hi,pasal ihihna sulopi tu ahi.
Bangkim a na hansan ding uh
ahia,Thudik pansana hansan
hi a lûl pen a,thil phalo bawl
dinga hansan hi thil lûllo pen
ahi tihna het ding uh ahi. lung-
thim thieng takin ki ngaihtuoh
masau unla,Lungthim thieng
taka na ngaihtuoh uchun na
chan ule phan tin,Ngawl gum
hi thil ngawl huoi pen ahi
tihle na het ding uh ahi,Chun
bangtik lai inle,pipu chawn-
dan Tawmngaihna Nun hi hun
thahtham ngei him him kiu
in, “mi tawmngai in mi mit
asukham ngei puoi”tihi he
zing unla, Sapchuom le khaw-
tâng ah theihtawp in hun-
gki mangchau unla, Chun na
thil hihna taphawt ua, mi mit
sukham zawng leh Mite gensiet
dingin um kiu inla, Miten bang
ei hihsak thei ding u? tihlam
sangin “midang te dingin bang
ka hihsak thei dem”tihhi na gel
zawk ding uh ahi.

Chun, Khawi mun ale,

bangtik hun inle, Mahni in-
sung khawsak leh sepdawk
taw kibanga khawsak le Kichei
na thiem ding uh ahia,mahni
insung khawsak sanga kichei
changkaw zaw hawhi thil zah-
chak um tak ahih ziek in na-
hung hihkhak him him loh ding
uh ahi,Chuleh,Mi sepdawk leh
midangte pang bela hinkhaw
mat hi thil zahchak um tak ahih
ziekin, Pathien zala na dam
phawt uchun,Mahni ki todelh
hi na guot ham ham ding uh
ahi.

Chun, Khawvel dân leh
Pathienin mihiem hikhuo a ana
siem dawngma hawhi le na
hung nei ngei un la tin un,Na
kawppih ding na têt tieng uleh
na chittheih mah mah ding uh
ahi,A ziek chuh Numei hawhi
Pasalte eisukipak tu leh eipan-
pih tu dinga siem ahiaua, Pasal
te ei Control a ei thunun din-
guh hilo ahi, Ahin Numei tehi
athu nangaihthak thiem ua a
haksatnau na hetthiem mah
mah ding uh ahi, Numei Tuol
leng na zawng hi kawp go kiu
unla, Mi gensiet kailo leh, Sap-
chuom le khawtânga kinamat
ho hi ta tel ding uh ahi,Chun
Zî na neih tieng ulele Athieh
ham ham chun sapchuom
dan thiengtho ngeia neih na
guot ham ham ding uh ahi,
Sapchuom dan thiengtho a Zi
le pasal kineih loh chun Chris-
tien insung dettak siem ahaksa
a,Christien insung dettak i siem
loh chun,insungah kipahna um
ngeilo ahi.

Nek hawlna lamah

tawn untin, tichun mivantang
chunglam, Thiemna diktak nei
hung hitanla, zie tawbang thi-
emna le lemhetna neimi chu
michapo hipuon tin, thunuo-
gawlh takin um zawn a, Mi-
dangte dinga malsawmna Ka-
lbi hinla.

Bawi, Boipu Atawpna
pen dingin ziehi hezingin aw-
:Zie Limthawhna leichung
hi, mahni masielna mun ahi

tih henla, tawmngaihna tawh
gimthei haksa te dawpkang
hawchuh kâwlmawng lam
a paihmangin aum tau a,zie
ziek chun, Piellei thuoh nuoi
a vakviel Na lawhtitna ding
chu nang le nangin naki khuot
dawk ngai ahi tihna aichu, Ti-
chun, Zie lawmman chu na
khuot dawk tieng le nanga
ding hin tin,zie tieng chuleh
Na chi na nam na khuo le tui

te dinga malsawmna guohtui
hung hitanla, Zie Malsawmna
Kawlni hungsuok ding chu Ki-
nepna sang tak tawh kana thîl
zing ahi tihhi hênla, Na simlai
leh na thiltup achun chawm-
lut kit inla, Nunglam en loin
Gunchuhtak le kuhkal takin
malam zuon tun tûn inla,
Lungke loin malsawmna kalbi
thak chu tawhkhâ ngei dingin
na Keng dawm sang in..

UNION BUDGET 2017-18 TAWH KISAI A HILHCHETNA

February, 01 Nilaini a, Finance minister Arun Jaitley'n Union budget 2017-18 a hun luihdawk
tawh kitawn in anuoi a bang hin amawl thei chin in angka chuom mangin vak khuot hitiu.

1. Kumkhat sunga income Lakh nih leh sîng nga (2.5 lacs) tieng lawhdawk te'n income tax
piek ngailo, chuleh kumkhat sunga Rs. Lakh nih leh akim (2.5 lacs) apat lakh nga tieng income
mute'n income tax 5% piek ding tia aphuon pên hih BJP leh akaih zatam te'n pha asakpih mah
mah ui.

Tusung cheng khah, kumkhata income 2.5 lakhs leh thil chuom chuoma savings 1.5 lakh aki-
gawm a, Rs. 400000/- (Lakh li) tieng anamu te khah tax sun ngailo ahia, kumkhat a, lakh nga
tieng income neite'n income tax 10% ana piek uh ahi.

Tua athak taka BJP sawlkar nuoi a, Finance minister in ahun phuon, achunglama itâklat guol un,
sum Lakh 2 leh sîng nga (2.5 lakh) apat lakh 5 tieng income neite'n 5% piek ding kiti hih thûkzaw
deuh a angka ikhuot chun, amasa a sum lakh 5 tieng income neite'n 10% ana piek ukha tawh i
hisâp detdet leh 2017-18 sunga lakh nga tieng income neite'n tax apieking ding uchuh 12.5% ana
tung daih hi. A ziek chuh lakh nih le kim a pata lakh nga tieng kikhiênka chuh 2.5 lakh mah ahia,
aum dan chuh, 2.5 lakh chung 5% chuh 12.5% tung daih tihna ahi, (eilawi Manipur a thunei
ding ikichuh chuh kâl ua tax sunding 10% a pata 12.5% ana tungto man tihna ahi)

Tuma a lakh nga tieng nei te'n 10% apieking ukhah phazaw laizang dan a um kêi ahihna tieng aum
hi.

Thakhat phuta 10% tax a pat 5% ahung kitih leh ina mawh siekjakhai lawp pih ten nau a,
thûkzaw deuh a i et leh sawlkar hin dawnkhaw chuh changmai ahi tia eipiek uleh dawnkhaw
chuh changmai lâk a iki lâk guot uh tihna ahi mai hi. Achawmlam a gen di'n kumkhat a income
lakh nga tieng vel phet mute a dinga 2017-18 a tax tamzaw sêm piek ngai tihna le ahi mai hi.
Zie hih tutienga aphuon dawk phawt uchuh ahi nalai a, dânleh bang ahungti zel dem chuh ei-
lawi in ihepha tapuoi.

Zie Union budget aphuon pen uhih final hinailo ahia ziekin, zie hih ahun pass na ding ua hih
kawh zakkha vei, nâkmul sâu leh pil taktak huntieng chilphuon pâkzat zat a hung kiniehl nalai
ding ahia a, Lok sabha ah hun genmin phawt untin azawh leh Rajya sabha a vawh an min a
aminkhawm vek zawh phat chauh uleh zie hih pass hipan ding ahi.

Zie thu a imabân a kiniehl na ahun neihtoh zel dinguh hih nang na umna mun apatin, ken ka umna
mun a patin ana gâl et phawt mai hitiu.

eilo luinak chu hungpe ding ahi ngal a, Na gam milopi te ngaih lûl na chang henla, Na gam a dinga marter te vang na Zah-mah mah ding ahi.

Tua chu Kipak ahim lungkham nahim hithei ahi, Zie hi henla, Mihiem hinkhuo ahih Kipahna leh Lungkhamna umlo chu, hinkhuo hawm, Zanmang bang chauh ahi, Huti chu ahih ziekin, Nalungkham tieng leh, Na masangah Kipah na'n ahun na dawn hi tih henla, ana mawk sakuh sûl ngak zieng loin, zie nahaksatna chu na buon theih chin in ana buon in, Himah lele, mi zawmthaw leh Duham tehin kipahna bukim amu ngei puouhi tihhi na het ding ahi, bang ahim Zillai nei nahih zie hi kihenla, Haksatna maituoh masan la, Kumsawt kaw! eng banga Kipahna kaw!eng chun hunna dawn ding ahi ngala, hinla, Nawpsakna na maituoh masak chun, Akcha Khawthim lak vak bangin, Manthaina kawtkhat na pan ahi tihna ahi.

Lîm et masangah na dinga, gimlim tincheng naki nuh, analh theibang pena na kichei chun, Na insung ah kikhum leh chinle, nalungthim ngaihtuoh-na chu pawlam, khaw!ai ah vak viel in a, Zie ziekin chun, ahun le mun dungzuia kichei dan hi thiem inla, nahihna khel in lan go loin, nahihna bang bang chu phodawk ngam zawn!!

Nu le pa leh Insung mite sep-dawksa ne'n, ki letsak in chapo mai kinla, Hauhsak dan zil inla,

lawhtitna ding in Gentheihna le zil khawmin, Nahinkhaw a haksatna ahung tung hochu, gitlohna lam pi a ki hawihlut-nan mang kinla, Lawhtitna Kalbi dingin nahinkhuo a lalut thiem in. Kuo ahimin, Nekguk na thil ziekin inn le lo thupi tak a siem a, zie tawbang mah chun, contractor alaw! chauh delh ahim, sumkaw!vei neu! neu! le khamtheih manga sumkaw!vei in, in le lo thupi tak a siem ua, amu lam lam in thupi sân hahûm in a gen sawn ua, zena kallaka nek!guk sum ahim, Lamdiklo apata alam daw!k ahih hemah leule, ahawihna a da chuom diek puoh a, "ahawih!ta mawh na e" a ti puon au, mahle A entute lunggil ah Lulna him him umta puon tin, Nalh tak, mahleh lopina le Lûlna neilo le Belh-chien daw!lo hin a. Pakcha hile, atak le alêm hi khawih leh chin kibang gel gelin hen latin, mahleh atak tak pen chu gimlimna tincheng taw pâk intin, huti chu ahihle, nataksa pien phung chu, nalh in nalh kile, a lûlna chu pawlam hawihna hiloin, asunglamapat pakdaw!k chu ahi, Mi'n na gimlimna ahethuchun, Belh nuom hunsau untin, na sunglam hinkhuo chu Nekgukna sum tawbang mai ahih chun, Na pawlam landan nalh mah lele, Mi te'n hun pel zél un au.

Zie hi na ngaihtuh kah dem, mi khenkhatin a sim ua, a thiem ua, nekhaw!na a anamat sek lai un, khenkhatin bang zieka anamat theihloh

ahi dem? Tehkhinnan: Lonei mi na hia, Midangten le neiin akumkhat nek khawp u lalut ua, bangzieka nang daikawm kal a khawsa mai mai hinalai nahim? Mi khenkhatin Gari tawlin nekhaw!nan amang ua, nangle gari taw!thei tho ngal mahle bangzieka namat theihloh ahim? "Lawhtitna gobawm khuotdaw!k dinghin midang techu ataimau a, gunchunna leh kuhkal natawh kal a suon daw!k ua, muh le amuu hi, Nang bangzieka mulo anhim? a ziekin chu na tup tak takloh ziekin ahim, lawhtitna gobawm tawbaw dinghin, Kal nahah suon puoh a hiloding ahim? Lawhsam lauloin kalsuon inla, baw! inla baw!thak zel inla, Namalam hun ding chu a vâ! zawngin thîl kawm zelin, baw!zawm zel tie, lawhting mah mah ding nahi, "Lawhtitna hi I utziek le dei! ziekin a muh/chan ahi puoh a, Lawhting ding hin, Gunchuhna le kuhkal na tawh tawmngai taka Lungkeloa sep-tûn tûn angaihi"

Na kum upat le naupan thu hiloin, Na kîm na vei a thiltung haw tiemteh in khuol chien inla, zie chun hetthiemna hun pien tin, Pilna kalbî akizawm in hawh to zelinla, Zie chun nahinkhuo hun pui intin, Khawi muna um leh chinle Chiâi ngei ngei puonla tin, zie na hettam na chun mivantang laka hun vaw! to intin, miten ahun hetchet nung tieng vang leh, na hinkhaw matdan hun pakchau untin, Na nungchang hun en-

Mahni kitodelh hih hung go tei tei unla, Govt khâm chauh lo hile nek haw! na ding tam tak um ahi tih heu inla, Na taimat ua, sep!dah na neihloh uchun Kitodelh thei mah mah ding na hiu tih na het ding uh ahi, Bang tawbangin nek haw! leu chinle; Ginum, taimat leh Diktakin hih un, ginumna hi alopi a, to le ato a, zah le zahum ahi, Nekguk zieka haw!hi, sum le paiin haw!hi mah leule, Insung khaw-sak ah kipahna tak tak amu ngei puou a, nunglam apat mite nuhizat ahizo sek ui tih hi he zing un, Igam leh inam sung hi na hehpih mah mah ding ahia, namdang naki chupmang sak mai ding ahi him him puoh a, Nagam le nam dinga hih na thisan vat tawp chana na pan ngam ding ahi, "Nam pil chun, anam alungsiet hi" tihhi na het zing ding ahi, Na gam le nam in banga ahun hihsak theih uh, tihlam sanga pawimawh zaw chu, "Na Nampi dinga banga na hih theih" tihhi ahi. Chun thil bangkima lawhtitna chu taimakna hi ahi, tihhi he zing unla, Mithadah alawhting ngei puoi, tihhi na het zing ding uh ahi.

Chun, Zi le cha nei in, inkhat le hun suon unla tin un, Zie tieng chuleh, thildang cheng sanga pawimawh chu, na insung le na Zi le cha ahi tih na het ding ahia, Insung etkawl leh Zi le cha etkawl hi pate mawh-puokna ahia, "Numei vaihaw-mna insung him him chu, an-

uom tak tak ngei puoi" tih na het zing ding ahia, chun Thil pawimawh mah mah zieng khat chu, "Mihiemte hi kuo-mah ki musit thei aki um puoh a, Bang tawbanga dinmun sang leh, chanpha cheng himah leu chinle, nasang ua Chansie/ Genthe ho namuhsit him him loh ding uh ahi" Chun, Piensuol kikhello ahi tih heu unla, Mi piengsuol, Taksabutinglo, Lawileguol phazolo, te hi na muhsit him him loh ding uh ahi, chun, zie tawbang mite panpih hi Na ki thahdah him him loh ding ahi, chun thil bangkim na hihna taphaw!t uah, ngaihtuoh chien masalao na hih uchun, baw!fuh ngei ngei loding nahi, zie ziekin chun, nathil hihna ding ta phaw!t chu, lungthim thieng tak in ngaihtuoh masa sekin.

Awle, Ka chapa deihtak te ho, thudang tamtak hunvaithak nuom le ka nei nalai a, Mahleh tua ka hun vaithak haw!hi, Mihiem hinkhuo a dinga pawimawh diek haw! ka het ahih ziekin, Nangun le nahun zawp ngei uh ka ut a, Zie kathu gen cheng cheng hi na zawp phaw!t uchun, nahin khuou ah kipam zing unlatin, kisik ngei puonlau tihhi kahe chien hi. mahleh kei Na Pa hin tua kathu hun gen cheng cheng hi kazawm kim vek loh ziekin a, Thiemna, pilna le Hauhsakna a le lawile guol phazolo kahi a, Hinkhuo hi abula pat, patthak kittheih hileh, tua kathu hun gen cheng cheng hi zawm vek ka ting, nang u din-

ginle "Pa suonum" tak hi ngei ingka, Mahle hinkhuo chieh!sa chu tui kibuo luok kittheihloh bangin aluongmang ta ngal a. Zieziekin chun, tua kakisik banga hih na hung kisikloh na dingun, ka thu hun vaithak tawm cha hi Hun zawm ham ham un.

Mi thu vaithak leh, nu le pa te thu ngailoa mahni dik le pha aki ngaihna hin, tu dinmun hi ei na tut ahi, Zie ziekin chun ka dinmun banga nahung dinloh na dingun, miten thupha agen uleh pawm thiem a zawm thiem nahun guot tei tei ding uh ahi.

Chun, kei na Pa'u hi, ka thil hih khel na cheng cheng chung ahin Na unau chung uah Ngaihdam ka hun ngen a, Nang u ding hin hihsak theih kanei tawm mah mah zieng a, himahleh, ka hun hih saktheih umsun, zie kathu vaithak tawmcha le maw! nil nel a ka zik haw!hi, Na unau leh Gangmi chatehin na phatchuom pih ngei uh ka hun deihsak hi.

Atawpna dingin, Kham theih kiti him him, nahung patep him him loh ding uh ahia, khamtheih haw!hi i hinkhuo leh bangkim a ei suse tu ahi tih heu inla, na melma lien pen ua na kawih ding uh ahi..

Awle, Chung khuonu malsawmna tawh dam takin um unla, Kahun Lungsiet hi tihhi hezing un.

DJAVOLI

Kum 1980 chavang lai khan West Germany a British Sector huom sunga leinuoi kuosuot sungah Inspector Brandt in thil maklak mai khat ana mudawk a. Zie a thil muhdawk chuh Japan Gal lai a German sepaih khat taksa guh ngawn ana hî, uniform kitup takin ana ak nalai a, chair ah ana chu den, a malchunga chun a khutin Dairy ana chawi nalai hi. Zie dairy a kizik apata alat dan chun zie German sepaih guhngawn chuh Han Schmitt hin, Japan Gal lai 1941 apat 1945 kikala athil tuok mak leh lauh umtak chanchin ahi a. Zie Dairy a zik pat hun hi kum 1941 a German in Russia a do pat tung ua pata hung kipan ahi.

1941kum khan Eastern Frontier lamah Russian sepaihte do dingin Germany chun a sepaih te chuh a khinto a, ziete laka chun Hans Schmitt hile ana tel a. A post dinguh a tun uchun amau lama pang Romanian sepaihte le ana um tau a. A post uh atun ua apata ni sawtlo zawh chun zankhat chuh a Unit Sergeant u chun Schmitt chuh Russian camp entha dinga amah zui dingin ahung chiel a. Zan khawvawt tak nuoia chun ngaikham takin Russian camp dai kikai khumna barbwire chuh a chep tan miet miet zieng a. Vangsiet um takin Russian sentry khat chun a hun mukhapalh ta mai a, khuti ahih tak



ziek chun Sergeant chun a bayonet chu sat dawkin Russian sentry chuh ava bei ta a, hinla a hat zaw umlo in a ki dawtlum gelgel ua. A kisuol thawm u chu hen Russian sentry dang, minga hiel chuh a hung tung kit ngal mai ua. Schmitt lauthawng taluo taihsiet guo chuh barbwire a chun a tal talna lamah ah a tang ta mai a. Russian sepaihte chun torchlight in chien taka khawhin kaplup ngei guon a hun daw chieta mai ua. Schmitt a ding chun thihna chuh a zie a zang umlo hielin pumpel theih chi ahi ta poi. Hinla thilmak tak a hung um ta mai hi. Khutia Schmitt lauthawng taka a um lai chun Russian te nunglam achun lîm bang deuh, mihing taksapuok bang, thim lak apat chun ahung kilang ta phut mai a. Thakhatin zie lîm te chun Russian te chuh ahun khuh huk maia, a torchlight vak chule a thim ngal chawt zieng a. A thim bek ziek chun Schmitt chun bangthil hung tung ahim tih chu amu

thei puoh a, Russia sepaih te na thuok, kiko chuoi chuoi tih loh chuh. A zawh sawtlo nung chun thawm bangmah hetding um lo in a thip bikbek ta a. Schmitt chu Camp lama chun akileh kita a thiltuok chanchin haw chuh a lawiupa teu kawmah a report ta a, ahiziekin zie Romanian troops te khan a lunggel a sunuom thei hiel poi. A zing chun a Division pumpiu chun East Front lam chuh a bawh phe tau a. Russian camp a va lut kit u chun a medics te hawu in zan masa lama Capt. Constanta lawite ana thah hawu luong chuh ana etdik laitak uh ahi a. Medics te chun zie Russian sepaih luong ho chun thisan a nei puou a, hip kang sak vek ahiu tih a mudawk u a. Zie thu chuh Schmitt in a het chun mak asa a ngaih chuh a asu nuom lo diek ten a. Nitaklam chun Russian te chuh a nawh kit ten tau a. Khuhtih lai tak chun Romanian sepaih truck khat hih ahung tai a, German sepaih te tawh pangkhawm ahieh ziekun truck driver chuh German sepaihte chun anahopih u a, Schmitt chun gari nung lam khuhna chuh keu in bang puo ahiu em tia avak et chun mithi kuong ngawn in ana dimtha zienga. A khutih lai chun truck driver chun lungna takin Capt. Constanta supply lam thil ahieh thu genin a taihsan ta daih a. Tumansangin Romanian Mountain Troops te chanchin mak danglam tak a gen zing zieng sek u a, hinla Schmitt chun a gingcha nuom kha puoha, hinla tun chuh a tak tak ahieh a gingcha

KA CHAPA/NAM MITE DINGA LEHKHATHAWN

Tuahi banga namamawh, bang lungnagel ahim, tihhi zetak Lamlien kâldan apat hi kahun hetsak hiel puoi, Mahleh Zie ziek achu kithahdah le Hinkhaw zalên taka na matding tihna ahi diek puoi, a ziek chu na Sên apat ka kawma na seilien a, athum athak nekhawm ihieh ziekin, na hinkhaw mat dingdan tamzaw chu lautha mitta kahun muh pih na hi, Khawvel chitna Thiemna le Pilna chungnung pen nei in, Na nungchang chên taleh chin, mî'n khawvel hi apum a nei a, ahinkhaw chên taleh zie tawbang tho chu hidieh ahi'

Amasapen in, A umlo apata, na khan guolpih elpha dinga hun siem tu Pathien hi hezing inla, Na hinkhuo leh na hinna hi amah khut ah ngânla, Chun, Nangmah hundawn teitu, Na Nu le pa hi bang tieng in mawl in muhsit um mah lele, zahpih a Na sit him him ding ahi puoi, Na nu le pa tehi nei chawihmawi loh chun, dan leh nanung lam apat mite'n hun nuihsan ding ahiuhi.. "Mahni Pien le mulna zahpih tuchu Agahsuoh um ngei ngeilo ahi" zie tawbang mah chun nang le nang le nakizahpih him him ding ahi puoh a, Mi kuo hita leh, mihausa le genthei, mi lien le Mineu, Na khenchuom him him ding ahi puoh a, Namuhsit dingle ahi diek puoi, a ziek chu khawvel

hi mitin a dinga siem ahieh ziek in.

Na lawite Nuih na achun nui inla, Alungkham beidawn nau ale Panpihtu hih guonla, mahle Alungnat nau a kizehtâk zieng goki'n. Chamna Lampi kawkmuh tu hih guonla, Athil bawl banguh bawl vago khel kin.. Kamphan siel amanhi tihhi henla, ît kin, mahle Kamtam sangin umchana etsak hah bawl zawnla, Na nun a miten zilding amuh theihna ding un, Zaidawh thiem inla, Buoina chu thunuoigawlh na'n zawh gosek zoleh chin, Haksatna dangle pêl thei zel inla. India Nampipatia minvawh, Mahatma Gandhi inle thale zung sengloin Zalenna a suolpuk theih hi he zingin.

Kuo ahim bawl bangin bawlinla, mahle abawl cheng cheng uh bawl vek khel kin, Nang le nang chu kingaihtuoh zing inla, Tunia nahun matkheh ziek chun lungkhamin kidawm kûn mai kinla, Na sukkhel apat chu kizil inla, Namalam hun matna ding ah Pilvang nân mang zawn, Chun, na kim, na tuom a umte hindan banga hin, Zilinla, Midang Mize pha le phalo khen thiem inla, Apha lam chu zawp tei gosek in, Apawimawh pen chu, Naumna ta phawt a, Ginumna, taimakna, Sepgimna le gunchuh na tawh malam zuon tun tûn in, Zehi vang he zingin, Khaw-

laia kham buoi luoi luoi, te leh alemchang na phawta Phalo zieng thei hohi'pa' (pasal diktak) ahi puou a, mihangsan le ahi puou hi, Ngawn chang ale haksatna maituoh ngam mi hohi Pâ Zie diktak chu ahi, Mitawh kitiem kinla, ahun cha'n gahsuoh theizel gozaw sek in, Na tupna lamdal tu chu lungthim chîm takin Pelh gosek in, Lawng Mawlh bei banga Ki lap viel mai mai loin, Na tupna gam achun Suongtuohna leibu tawh lut inla, Na thil tup achun kichien inla, Zie a chu lawhting thei ngei dingin chawmlut in, Lawi le guol el ching inla, mahle Chapo pih kin, Sikmi lam zawt dem dem teleh, nga tuolleng laite hi na mukha? Aki zui diem diem a na muh himai thei ahi, mahle hilo hiel ahi, Alemchang masa sa chu akimakhelh ua, Anunung pen le amasapen a pan ago sek ui.

Huti chu ahieh le, Nalawite lusuk suka nasuk ding ahim? Naisai lo e, Tua nahinkhuo chu mang thiem inla, Zing huna dingin kinga ki'n, Ahungtung ding kinepna chauh ahieh ziek in, Vanlam chanchin le Tuisuohgiet thuoh nuoi na hetloh bangin bangmah na hemasa puoh ngal a, Hetlohna hin mawl na atun sek hi tih henla, Pilna gobawm suohdawkingin, Lehkhahu sim tam inla, khawvel chanchin le Thiltung ngaihven peih in, Zie chun Pilna kangth-

changpha haam in aum tau hi.

Akikhennau asawt bek hi taan tin, ameel leh paang ule phaigam mite meelpu lawi bang taanggam mite meel pu lawi bang aum sau sau tau ahi. Zie haw ziek chun a sakhuou le a chuom sau sau ta a, kilungsiet thei peen um talo in, aki chuom et deuh deuh mai tau hi. Akhawk ngei mai, agama ana cheeng masa te chun lah taang mi cheng hung kiho theih ding ahuphulh guuk mai zeen utawh, aginchaak sang un taang mite chuh akhuote (lovai) lungthim te ziek in sau a geelpha deuh lo uh hiding ahiu hi.

Tuchan in ana cheeng bul te tawh bangkimah suun leh zaan kikhiek guol in akikhiek lawh tau hi. Zie haw chuh thiemna lam, hauhsakna lam, hawihna lam leh pilna lam bangkim ah 70% in akikhie ahi mai ui. Ana um bulte aphaakloh daan uhih ivak geel phat chun panlak phat ngaai ten nalai dingin ginchak aum hi.

HIENGYANG APAT TUMLAM ZUONTE

Tumlam gam zuonte pawlnih te hin India gam ah um mun khuok in, lungmuong tak leh a unau teu pha talo in akhawsa tau a, himahleh a nunung lawi chun China gam le hun kheel nai lo in, China leh Burma gamgi, mun nuom tak mai ahung tung pan ui. Zie gam chuh unau dang tamtak te chun gaalkai in, amau lawi chule, Chin Hill leh Manipur

gam ningkhat khat luoh in aum kiit tau hi.

Tumal zuon a chieh te hile lawi thum mah a kikhen in, amasa anunung aum ui. Chun, tu-a anunung pen lawi hile pawl tih theih mangloh in achieh masa anunung um nalai sawn in, tumlam ahun zuon ui. Amau lawi hih tulai suut daan in, Chin, Pawi, Thahdo, Vaiphei, Zo, Hmar, Chiru, Maring, Anal, Paihte, Milawng, Mojon, Lamkang, Chothe leh adang tulaia India gam suohmaal lam gama cheengte cheng Gangte tih loh in, tumlam zuon nunungte ahiu hi. Anunungpeen lawi hinle a unau teu Gangt haw chuh asiet aphant uleh, azawn a haat nau neucha le anung heetpih lo uhh iding a ginchaak ahi.

HIENGYANG APATA GANGGAM ATUNNAU

Anunung peen lawi hin amasa te khah aheetphaak taak lohnau hih akum hilou in, akhang inle atam ta ahi. Hiengyang apata, akikulh nau peen hi chuh China gam le hilo, Burma gam le hi dieklo gamgi cheh tuoh avai lam lien talo lo, adung lam sau tak mun ahi. Ziegam hih ana um masa teen Gang Gam ahi ana tih ziek un tu a malzinte hile apung achang uh aheet mau in Gong a cheengte tih ngen in asan sek ui.

Gong gam hin tumlam zuona hung kitawl te laka anunung peen te kha acheeng den tau hi. Aki khuol thei behlap

uh a, agam chuh nuom asak uh hiin tin, kimak nuutsieh ta puona, ti bang hiel pan alaak guo tazu ahi. Zie Gong gama cheeng te hih tulai kisap daan in :-

1. Maangte
2. Mate
3. Soute,
4. Thangsing
5. Thanglun
6. Hilkhieng
7. Neihsiel
8. Thangjom
9. Ralte
10. Huolngo
11. Ngawn
12. Chhakchhuak
13. Taithul
14. Hanghaal

Zie cheng hi ahiu hi.

A u-pat anaupan dungzui a kitieng ei puoi.

Gong gama cheengte hih kuo upa, kuo naupa zaw qahih uchuh ibuoipih peen ahih loh ziek, ana hechien i um le lah bawlphat theihloh aum puoi. Gong gam kiim veela chuh le midang acheeng tam ui. Zie te chuh Plau, Syan, Alva (AVA) te leh adang dang in akiimveel uh ahi. Zie a cheeng masa haw chun agam min chuh mau pau naamthaak a Gong ana tih uh hiding ahi. Himahleh Gong sunga cheengte pau naamthak a i geen phat leh Gang ati zaw sek ui.

Ganghihagamacheeng masa te pau chun Suongpi tih ahi le atiu hi. Zieziek chun a cheeng nunung te chun adih zawk ziek ua Gang (suongpi) ti a akithen mau uh ahi dem

ta khawpmai a, a ngaihtuohna le asu sau ta khawpmai hi. A ziek chule Romanian sepaih te chuh sun khaw enga muh ding a um kha puou a, ziolo chun Capt.Constanta lawite zat chet kuong Romanian truck khan a puo nalai set a.

Khatvei chuh nitak nitum nung, khuo thim ma deuh in German sepaih te leh amau zui Romanian truck ten tang leh tang kikal guom sung a hawh laitak un Russian sepaih sakawl chungchu, Cossack Horsemen ten ana bei thut mai ua, guoh leh buonthuok kala chieh ahih ziek un German te meithal chuh a mattak loh vek nalai seta, Cossack horsemen te chun la chemzam tawh ahun bei ngal ua, German te ding chun tawi ngaihna umlo ahi pen mai ta a. Hinla khutihlai tak chun Romanian truck driver chun a gari nung khuhna chu hawkin, a sunga kuong haw chuh asin ahun hawng ta a. Khutichun Cossack te sakawl haw chuh a buoi thazak zo tau hi, a chunga chute chuh a theh than, a taisie diekdiek ta mai ui. Khuo a thim chien tak ziekin Capt.Constanta leh a lawite chuh khawi apat tih hetlohin ahung kilang ngal ua, Cossack sepaih haw, a sakawl un a taihsan takte chuh a hun that mieh mieh mai tau hi, chawmlokal chun a that chimit zo hiel mai tau hi. Zie nung chun Cossack te thiluong haw chuh German te chun a heh fel ua, a khel deuh luiguom thuklo deuh a chun panmun a siem ua. Zietak muna German te trench khuk laia na a sep lai u chun thakhatin a umnau

chuh pumpi chang in a hun sep meng meng ta mai a. Russian Tank Division in amau hun bein amau lam hun zuon chuh ana hui a. German sepaihte dingin ki galinna man taluo a um poi, a theih dan danin a rifle leh machine gun teu chun ana kap thuk ua hinla umzie a nei taluo sam hiel poi.

Khutia Tank pumpi chang in a hun seh puok duldul na khu laka pat chun mihing taksapuo khat hi awlchachan ahung pawta, Cpt.Constanta leh a lawite ana hui a, chemzam tihloh matchak dang bangmah chaw lo in Russian te tank lam chuh a zuon pheih tau a, pumpi chang puok dul dul zieka a lawite a um nau a, lau a, a ki-ip chawih chawih lai un Schmitt vang chun Cpt.Constanta leh a lawite tawih dan chu ana thil zing a. Pumpi chang puokna khu lak a chun muhchien a hak ten u a, hun chawmcha sung chun Cpt.Constanta leh a lawite chuh a mang kei ta mai ui. Hinla Schmitt chun Russian Tanks lam chuh ava en laizang a, tank ventilator a meikhu tawbang deuh tank a khu lut hih avak mu a, zie nung sawtlo a chun tank sung apat chun Russian sepaih lau leh thavai aw ahi tih het theih tak chuh ahung gi dawk chuoi chuoi mai hi. Sawtlo deuh zawh a chun Russian Tank haw a pat chun Cpt.Constanta leh a lawite chuh a hung pawt tawp mai ui. Bangtik lai a khah tank sunga lut a, khawi apat lut ahiu em tihchu Schmitt chun a ngaihtuoh sek a, mak asa khawpmai hi. Mihing naran adin tawbang khah

thil hitheihlo tawpsan ahi. Khutia Russian tanks te a lakzawh nung u chun tanks sunga luong haw chuh Schmitt chuan ava en fieh a, Cpt.Constanta gen banga chemzam a gawl uh at sak hilo in ha hiem tak manga peh thek ahiu tih a akichien thei ten hi. Zie apat chun Schmitt chun Cpt.Constanta leh a lawite chuh mihing hilo in Vampire a hih uh a gingcha det ten ta a, a lauh le a guk lauh ten tai. Zie zan chun Schmitt leh private(sepaih constable) khat chu sentry duty ding tih ahiu a, a camp kawm ua thingmun vela a vakviel lai u chun thingkung khat a hin rosary leh garlic thread ana kikhai hih a mu a, zie nuoia chun 'Djavoli' tih hi ana kizik bawka, a umzie chuh gamlakthitha ahim thagau gilo/suol tih na ahi. Russian sepaihte hin zie Romanian Mountain Troops, Cpt.Constanta leh a lawite hih bang ahih uh ana het sau ana hi ta leh akilawm hi.

A zing chun Eastern Front a Russia gam sunggil lama German te chuh aki tawl lut ua, khawlui khat hin aki nga tau hi. Zie tak mun a tun u hin Romanian truck driver pa chun a kuong puok haw chuh inlui khat nuoi, cellar lama chun a tawk lut vek a. Bangchan ahim kipaktuohna tung lo a aum nung u chun nitakkhat chuh Russian fighters ten a hun bei thut mai ua. German te chun anti-aircraft matchak mangin ana kapthuk bawka ua. Schmitt leh a lawipa chun le a machine gun mangin ana kap u a, hinla a umna kawm uh naicha a chun bomb a hung kikhie puok dul

mai a, a umnau chuh innuoi leikuohawm, cellar chung chet ahih ziek chun bomb puok ziek chun cellar a chun a kie lut tau a. Schmitt lawipa chuh a thi ngal a, Schmitt chun machine gun chuh lan Russian lenna haw chuh a kap sunzawm kit ngal zawt zawt a. A matchak ngakna dinga amat chuh bang ahim tih le a ngaihtuoh man diek poi, hinla a matchak kithinna lam a chun a matchak ngakna chuh a tawichawn thei ta mai a. Tia nuoilam a vak et chun a machine gun ngakhna chuh mithikuong ana hi a, a sunga chun Cpt. Constanta, mihing hi talo tih het tak, thisan neilo a dang zota chuh ana kuol ta mai a. Matchak kithin ziek chun kuong sin chuh a kihawng lien deuh deuh mai a, khuo chu la a thim tuol tuol mai ta a. Tichun, Cpt. Constanta luong chuh a hung hak thut ta mai a, hinla khutih lai tak chun a kawmu naicha a chun Russian lenna a kap thak chuh a hung kie guih mai a, zie tihloh chuh bangmah helo in a umden tai.

Schmitt chu ahung halhdawk kit chun zalkhunah ana kuol ta a, liemna bangmah na taluo nei sam lo hih ana hia. A lawite haw chun Russian lenna a kapthak ziekin a suon zieu leh a hansan zieka chawihmawina dawng maithei a ahih thu ana hilh sau sau u a. Thudik tak vang chuh Russian lenna khah amah kapthak hilo in Cpt. Constanta thil hih ahi tih amah Schmitt chauh chun a he gu kieu a, hinla a gen dawk ngam puoi. Kalkhat vel nung chun

Schmitt leh a lawite dang li te chuh night patrolling dingin a pawt u a. Zie hunlai hin vuk a kie nasa ten ta a, khuo le a dapin a gimum ten tai.

Khutia aki zuih hiet hiet lai u chun Russian Ski Patrol ten ana lambun(ambush) thut mai u a, a lak ua minih chuh a kithal ngal tawp ua, Schmitt chu thingmunah tai lut ngalin, thingkung khat lieh ah chun pan mun siemin Russian Skiers te chuh ana kap thuk kit ngal a. Khutih lai tak chun Schmitt umna khel thing mun apat chun ngei(hyena) hawn, kuo(9) hiel hih a hung tai dawk ua, Russian Skiers te chuh a hun sawisa tau a. Zie hun lemchang chuh lan Schmitt chuh a camp lam uh zuon a tai mai ta a. Sau lo a taih nung chun a nunglam a chun Russian Skier laka khat chun a hun delh a. Schmitt chun panmun ana siem lemin ana ngak a, hinla Russian pa ahung tun leh tun loh china chun 'ngei' khat hin ahun delh hih ana hi zaw a. Russian pa'n Schmitt kawm ahung tun chun a khup puk tawp ngal mai a, amah hun delh 'ngei' chun a hun bawh ngal a. Schmitt chun Russian pa vuka kithawlhna mawlh(ski poles) chuh kin deuh a lan 'ngei' chuh a khen diekdiek mai a, tichun zie 'ngei' chuh kinungtawl ngalin mihing a hung suok ta daih mai hi. Khutia mihing a suok zawh chun Schmitt chun zie pa chuh Sgt. Gorgo, Cpt. Constanta lawite laka ahih tih a he ngal mai a. Schmitt chun a matchak chuh kau ngal in, hun naih lo dingin Sgt. Gorgo chu a

hilh a. Zielai lai vel mah chun Cpt. Constanta leh a lawite dang chule ahung tung ngal zieng u a. Cpt. Constanta chun Schmitt chu a matchak kawih tha dingin a hilh a, meithal changin amau haw chuh a hlup theihloh thu chuh ahih ngal bawk a. A thil muh cheng chengchuh kuomah hilh lo ding leh a gendawk himhim chun a hinna adinga a khawk theih thu a hilh a. Schmitt chun lau a kiguk thin daldal pum chun Russian pa chuh khawih na lo dingin leh thahdawk sak dingin aleh nget kit zaw ta a, Cpt. Constanta chun Schmitt luhlul zie leh hansan zie a muh chun a gen guol chun Russian pa chuh a thahdawk ta a. Khuti lai vel mah chun German sepaih dang haw chule ahung kisu khawm tau hi, Cpt. Constanta chun Schmitt in hangsan taka Russian te ana maituoh a, ana kaplup vek thu chuh aban hilh ta a. Tichun, a bawn u chun a camp lam ua kileh kit in, camp a tun nung u chun Schmitt chanchin chun a lawiupateu bil a va tung pai ta a. Zie zingkal chun Schmitt chun hangsan lawmman Iron Cross a sang a. Zieni mah hin Romanian Mountain Troops te, Cpt. Constanta leh a lawite chuh Northern Front lama chieh dingin order a hung tung a, Schmitt te Division chule Western Front lama chieh dingin Berlin apat order a hung tung chet bawk hi. Zie apat hin Schmitt chun Romanian te, Cpt. Constanta leh a lawite chanchin hi a he zui kit kha ta poi.

GANGTE HISTORY

IN GANGTE

Part 1

Author

S.T. Khaijalam

Chief of Chiengkawnpang,
Churachandpur, Manipur - 795 158

Thamasa a ban zawpna:

HIENGYANG APAT A MALLAM
ZUONTE

Hiengyang apat mallam zuon in gam mak tak mai, taang lienpi avama vaam zuonte chuh tamtak ahiu a, hun chawmkhat kihuzap leh kihepha sek mahleu, ahun ahung sawt phet in, bangmah cha lam ah akihetuoh kiit ta puou ie. Akikhen thieng kei ahi tau hi. Amau lawi chuh tulaia a sudda in Nepali, Bhutan leh Himalaya taang veel a cheeng te khuh ahi ding um tih hih suut daan khat ahi.

Chun, khuo apat simlam zuona tamtak mai aki tawlkiit taak ziekun, anuutsieh teu tih chuh aum nalai te lawi khale amuong thei diek ta puou hi. Simlam zuon a chieh te khan tuilien pang leh agam um daan dungzuii zeel a gam aluoh suk zeel ziekun, amau lawile bangmah azie apha kihemat ta lo in akikhen den tau hi.

Tulaia suut daan in simlam zuona chieh te hih, Malaya, Malaysia, Siam, Bangkok, Vietnam leh Thailand haw khuh ag-

ingmawh deuh ui. Aziek chuh mikaangte ei geenna mai hilo a ei leh eile ivak kimuh phaath leh, bangzieka ipau thawhlo na him, vunkaangte pau na kithiemsak maw, ei ti mai thei ahihziek un. Kinaihna bang ahim tieng inei ui tih chuh aki he ahi.

Ameel apang uh iki banga, neek leh dawn incheen lo bawl leh kicheina chan in ikibang ahi. I kibatlohnau chuh Pau leh haam mai kibanglo ahi. Sakhuo hi chuh icheen na gam inle apuo deuh a, ana kibanglo mai thei ahi. Adang chuh heet kaal theihloh khawp a kibang ihiu hi. Zieziekchun, upate thusim geen haw hih khangthak teen ngaihtuoh kham apha ahi.

HIENGYANG APATA TUMLAM
ZUONTE

Anuut sieh vek mai teu, atawm peen lawi chuh a u-nau teu in sim leh maal anuutsieh mai taak ziekun, alung uh abih thei diek ta puoh a, amau lawi chunle tumlam ahun zuon ta mai ui. Amalai nunchan un khah athahdawk tam tau hihin, lamthum a kikhente hih

aum daan tak uhih Pawl (lawi) lien tak tak mun 3 a kikhen ahih zawk ding uh ginchaak aum hi. Zie hunlai hin chi leh nam kigeen talo himahleh tulaite mite ngaihdaan chun Pawl ahim Lawi ahim aum hi tana tih theih ahi.

Zie tumlam zuon a hung kitawl te hih tulaia ivak heet kiimveel phaak haw, Manipur, Mizo, Naga, Khasi, Mikir, Assamis leh Chin Hills a haw leh adang dang Thingtaang mi a kigeen cheng hih ahiu hi. /Amau lawi hih Assamese, Khasi, Manipur leh adang khenkhat haw hin Irawady luih lien, Chindwin leh Guun dung gaalkai in, India gam khang tamtak ma lama khah ana luut masa lawai ahiu hi.

Mizo, Naga, Tripura leh adang dang haw hih amasa te baan a luut te ahiu hi. Khutichun thingtaang mi cheng chuh gam ningkhat chiet ah aki thehdalh tau a, um mun phatak maiin akhuol kiit tau hi.

India gam luut nung zaw te hileh amasa te khah khang tampi a kihal ahih ziekun aki u-nau na cheng cheng ule a mansak gel tau hi. Khutia bangmah lam a le aki heetphaak taak loh ziekun, anawp daan chiet un, atunna teu sakhuo bang akikawppih mai tau hi.

Hitamahleh ana um masa haw chun, amau sakhuo ngei kikawppih in, zuihpih mahleu le atak taka a et theihloh ziekun, a cheenna gam ule keekbeh thei dieklo in, achutphah cheng mai uh

SPARTANS MI HANGSAN 300 TE KHAH

- Elzee Bailawng

Battle of Thermopylae hih a hekhalo i um ten maithei ua. Tuchung chuh zie kido- na a Spartans mihangsan mi 300 chauh ten Persian sepaih a sing a sim te ana dan dan uh chanchin ngaihnaup um tak khah vak gen kit maimai lengun la, kuo zakdah ahih sam loh ding chun.

300 tih film minthang mahmah mai leh etnawp umtak leh lungthim khawhtak khah a en lo le um poi tingun maw! Zie film a Leonidas leh a lawite Spartans galdomi mi 300 te hansen dan leh galdo thiem zie khah mu chiet hit- ingun. Zie film khah phuokkawm mai mai ana sa khai tiu!.. a hi chai puai. A tak tak zet tawhchaka a siem uh ahinna khel ah atak bang thei ding pena a thawh ule ahi. Zie kidona khah ahi khawvel in Battle Of Thermopylae tih a a het minthang tak chuh.

BC 480 khan Persian leng King Xerxes leh a sepaih tam khawkheng tak mai te chun Greece chuh lâk guon an hun zuon mup mup mai ua. King Xe- rxes hi leng naupang tak leh thil hih theitak mai, amah ading het- ak leh mipiltak ahia. Amah hih Pa- thien mihinga hung pieng guolin akigen a, 'God King' a kiti hiel hi. Tichun Greece mal lam vaukam kawtsuoh Thermopylae phai guom lam shortcut a mat hun guon a zuon mup mup mai ua. Greek te chun le ana tuktan guon sepaih a tam thei bang penin ana akila khawm tau hi.

Zietak phaiguom hih a hun khelh man khakpalh uchun Greek te ding chun tuktan ngaih- na a um tapoi, hinla sepaih lam

deihbangin a ki sazo man puou a, Persian te chula hung tung tavang ahi mai tau a. Tichun a hih theih chan chana Persian te ana tut- ang ding chun Spartan galdomi 300 chauh chuh a lengpau King Leonidas lawiupatna nuoia chun a hung kipan dawk tau. Spartans te hih galdo thiem minthang leh hangsan tak ahiu a, Greek gam pumpi a galdo thiem pena a gen ahiu. Tichun Sparta gam tuom- vel a mi te chun le amau chuh a hung kithuokpih ua, ninih sung chuh Thermopylae phaiguoma chun Persian te King Xerxes leh a sepaih te chuh ana tutang thei tau hi. Hinla Greek te laka mikhat chun Leonidas leh a kaihzatam te chuh kilepsan in Persian te kaw- ma chun nunglam apata kimvel theihna ding tang kikal a lampi kiselgu chuh a hilhgu ta mai hi.

Tichun Persiante chun nunglam apatin Spartans te chuh a huol tang ta mai ui. Amauhaw hung kithuokpih tu ten le akik- iengkawih san ta bawk ui, Spar- tan sepaih 300 ding vel chauh chuh Persian sepaih sing bang- zah ahim zata tam ana do ding chun a um tau hi. Hinla Spartans te hih, galhang te ahiu a, a lau daw puou hi. Persian te chun kipietha mai dingin a them ua, King Leonidas vang chuh Greece gam pumpia lenglienpen a siem dingin a them ua hinla Spartans te dawnna chuh, "Spartans te hin kidona muol hih amau phaw chawi kawm ngeia a pawtsan loh uchun a phawu in amau hih a zawn dawk ding ahi mai hi," tih chuh a hi tawp mai hi. Zie umzie chuh "Thisan vat tawp tienga pang ding kahiu" tihna tawbang

ahi mai hi. ziehun lai hin kidona a thi te luong hih a phawu a zawn ana hi mawng sekuh ahi.

Persian sepaih sing tamtak te hin Spartans galdomi 300 chauh te chun a chemzam u leh a tiengchau a thiemnak zieu chuh a hetchien bek ziekun ava naihbuluh ngam zieng lo uchuh ahia. Tichun a hunlai ua a kidona dan(laws of war) uh, kinaihbuluh ahih chun kinaihbuluh, ki galsaih ahih chun kigalsaih tih 'dan' ana umsa chuh bawhsie'n Spartans te nunglam leh malam apat chun a thalkap miteu chun a thal po uh sau chi, a kap gamla thei chi chun an hun kap guol ta tak tak mai tau.

Spartans salpha hangsan te ading chun a lawh ngaihna a um tapoi. A gam uh a lungsiet mah mah uh, a zi leh cha- teu nusieha Persian te uopdên na nuoia puklut loh nading tia a theihtawp uh ana suoh Greece ading chun zie ni chun King Le- onidas leh Spartans mihangsan 300 te chun a hin nau ana pie tau. Kal khat in le a nungchawn puou hi. Battle Of Thermopylae a hin Spartans te chuh thah chimit hi mahleu Persian te ana tuktan sungu hin Greek sepaih mun dan- gdang a te chuh kisukhawmna hun lemchang a neih lawh theih ua, tichun Spartans te hansen na leh kipumpiekna ziek chun Greek sepaih guol te chun a gam u chuh vengbitin Persian te chuh a leh delh kit thei tau hi. Zieziek mah chun khawvel a kidona film et- nawp umpen lawi 300 tih chuh nang leh kei hin etnawp um sa takin ina et lawh theih ta ahi hih.

Thingpisan with



UPA T PHUNGZATHANG Intending Candidate 58-Churachandpur A/C (ST)

**“Ngaih-
tuohna
thak tawh,
Lungthim
thak tawh,
Ki ngaihdam-
na tawh, Ki
ngaihnatna
thak tawh,
pan la khawm
hitu”**

Huihchîm Media'in lasa thiem, officer, politi- cian te leh lam chuom chuoma lawhtitna neite holim- na a ki neihpih sek bangin, tu- chung hinle a hungtung ding Manipur Assembly Election 2017 a 58 - Churachandpur (ST) AC a candidate kit ding Sit- ting MLA leh I Patron Member pawimawh tak Upa T. Phungza- thang tawh Huihchîm Media te'n thingpisan dawn kawma holimna a kineih tawh kitawn in Huihchîm simtu te het din- gin anuoi a bang hin ahun ki tâklang hi.

Upa T. Phungzathang ahih leh mi tawmngai, society a dinga mi phachuom, ahun leh atha banah ah sum leh pai aneih

kham kham a gamsung leh mipi nasem a kum tamtak ana kimang ahi ta a, tu le tua hile Biel MLA chutmun a luoh zing nalai hi. Biel mipite haw a din- ga sepdawh hau leh Politician senior lawitak khat le ahi.

Huihchîm : Pa Thang, 58 Chu- rachandpur (ST) AC a candi- date kit ding leh na chutmun mah luoh kit dinga naki sak thu akihe a, naki saklawk dan chawmkim chân na gen thei dem?

Upa T. Phungzathang : Kisak- lawkna guntak tih chuom ding le ka nei diek puo a, ka biel mite ding a ka sep ban sep- zawh loh le tamtak a kinei a, zie haw hih siemfel ding a pan- lak kit guo kahi.

Huihchîm : Tulai election zawl-nei tamtak gendan leh a huihnun dan i et chun BJP ticket hin impact nei mahmah dingin alanga, Congress Party hih a chutmun (Govt) hih a luoh zing dingin na gingcha?

Upa T. Phungzathang: Political assessment chuom chuom ahi a, BJP in keih uh hat kau atiu a, Congress inle Congress hat kit ding ahih dan agen kit a, Hill area chuh ka he puoh a, Phaijang lam te kisakdan in chuh Congress mah power kit ding ahi, assembly seat tamtak adiek in Phaijang lak ahin Congress in hung luoh kit ding ahi.

Huihchîm : Tu chung a India PM Narendra Modi'n paisa note 500 leh 1000 ahun sukbeihna chungchâng ahin bang ngaihdan nanei em? Modi thilbawl hih na support em?

Upa T. Phungzathang : Demonetization hi chuh pha kasa hiel puo a, amau hisap a chuh Black Money control na ding ahi a mahleh "Its effect common people seriously". Mihausa taktak a crore a sim a nei haw khan baihlam taktak in a sum hawu asang kit zel thei ui. Zie hin common people haw banah Below Poverty Line a um haw hin nasatak in haksatna I tuok ui. Black Money mandawk mai thei chuh ahiu, ahinla amat dawk teu hih 10% vel chauh hitin, 90% in haksatna I tuok lawh ua kei in chuh - I strongly object to this demonetization.

Huihchîm : Tuchung ahin hung kaidawk kit taleh chun bang hih na Biel ah na bawl masapen die?

Upa T. Phungzathang : Kei mimal zieng in chuh bawl masakpen ding le ka he chuom diek puoi Nâ tampi ka sem ta a, sepzawh le tamtak um, ka sep laklawh le a um a, particularly in neukhat vak gen leng Thoubal leh Khuga Dam haw ka bawl a, ka zo ta a Inauguration le Pi Sonia Gandhi'in a hawng ta a, Damdawi in (Hospital) le ka siem zo ta a, Medical College GNM Training Centre le kawih zo, PT Complex le ka bawl zo tai. Manipur Govt. in All district headquarters Tamenglong, Ukhrul, Sadar Hills, Senapati, Chandel, Thoubal, Bishenpur, mun sagih a hih Nurse GNM training centre tundawk ding tih ahihlai in Churachandpur atel puoh a, pan nasatak in kahun lato a, programme ah Churachandpur le kana khum a, tuhin Churachandpur Medical College I nei tau ui. Amasapen dingin tukum inle Class apan tau ui. Zie hih ANM hitalo in GNM a dinga upgrade le ka bawl ngal ei tai. Chun, a kai leh zillai hawn le ahung phatchuompih ua ahung lawhtit ngei ding uh ka kinem hi.

Huihchîm : Tuchung a zan khat thu a Manipur Govt. in Revenue District 7 ahun siembah hih banga na ngaihdan, chun na biel Churachandpur a ding ahin manna a um em?

Upa T. Phungzathang : Administrative convenient ding ngaihtuohna hi dingin ka gingcha a, tuhin chuh a function ta a, mahleh administrative office infrastructure haw sakzawhna ding ahin a kum sim hichuh hung lut ngei dingin ka gingchai. Churachandpur a ding ahin manna bangmah a um diek puoi. I gen guol in kivaihawmna haw anawp zawk semtheihna ding hengei ina.

Huihchîm : Awle Huihchîm simtute dingin thuchah nanei em?

Upa T. Phungzathang : Huihchîm Magazine mangin simtute cheng leh mipite cheng kawmah na panpihnau kahun ngên a, chun eina paucham pih zing dingin kahun ngen hi, Huihchîm Magazine gam le nam a di'n ilakah tanlo in hung nung zing ta hen.

Huihchîm : Awle kipak a um ie nang le Pathien in hun vângsak henla na lungtup hun mulsuoh in.

Ki chibai kawm in kaki khen tau hi.

Pu Phungzathang Tonsing in achiehsa February 13, nia amah Inmun Salem House, Hebron veng ah Campaigning Lauching leh Flag Hoisting Programme aneihna hun ah hollimna anei a, Congress anuhsieh zieh leh Party thak National People's Party (NPP)



a zawp ban ah NPP ticket a ding ding ahih dan le ana phuondawh hi.

Ex-Minister in Tribal Movement ading a pan alak na haw tamtak a chiekhawm mipite leh a supporter te mai ah puondawhna anei hi. Aman a genbeh zel na ah 31 Aug, 2015 nia Manipur Government in 'Anti-Tribal Bills'- The 3 Bill's ki passed khah discussion um masalo a ki passed ahi a, zieziek chun zie hih Namphu Bills bang ahi ana tii. Buoina ahung kipat nung in zie Bill hih pass ahih lohna dingin pan nasa taka thingtang MLA ten ana lak dan uh aphuong a, Ministry apat paihthak ahih chungchang thu hile ngaihtuoh kham ahi ana tii.

Tribal Movement chungchang thu a a hollimna a chun, mipite'n a hihna apat hai (resigned) ngamlo dingin kawih mahleu, Politics a discipline nei tak ahih thu a gen a, ngetna um dungzui leh mipi te deihsa bang in MLA hihna apat resignation lehkhah Thingtang MLA 4 te'n ana piek thu u agen a, Speaker in Naga MLA 4 haihsa lehkhah a pawmsak a, Ccpur district apat MLA te haihsa

ana pawmsak puoi tin le ana gen hi. Zie haihsa lehkhah tawh kizawm a ginlahna neite haw kawm ale 'Material Evidence' bangtik lai a etsak zing thei ding leh amah kawm ale umzing ahih thu a genlang hi. Aman a gen beh zelnah a chun, Manipur Tribal mipite'n haksatna nasatak I tuok lai un Congress Party in mipite haksatna aki hetmawh sak a, Ka mite ka lungsiet zieh a zie chungchang hih ka hah gen takluot ziekin Ministry hihna apat paihthak in ka um a ka thuok lawh a, buoina enkawl zolo a ngawh a ka um nalai a, mipite laka thilsie a um ding deihsa ziekin ccpur sung a sepaiah thu-neihna le ahitheh chan a security force haw tawihsak loh ding hih kana chiehpah ziekin lbobi'n eina paihthak ahi a, si-etbat ding a chuh lawm ka hi tin le ana gen hi.

"Ka Biel mipi te deihsa dungzui a Congress taihsan ka hi. Lamkai khenkhat in chuh Party anutsieh tieng uleh nasatak a dem in a diklohnau a phuong lang sek ui. Tuchung a Congress Party ka nutsieh zieh hi chuh kei mah "Political Decision" ahi a, kuomah lawiupa dem le ka hi puoi, chuleh can-

didate dangte haw hile melma a bawl diek ding le ahi puoi. Politics kiti hih game chikhat ahi a, games spirit, political spirit nei kawm a Democratic tak a ki fight tuoh ding ahi, violent matloh ding, violent mang masa sa chuh guollah ahi pai ui. Zieziek chun Non-Violent leh Democratic tak a ki-el ding ahi ana tii. I kaih lele kuomah hih melma a siemloh ding, communal harmony umsak ding ahi, tin mipite lak ah aphuong a, hihkhelh sukkhelh um intin, ki ngaidam tuoh hitting un, system thak zui hitting un, pangkhawm hitiu tin le achiekhawm supporter te mai ah ana gen hi.

58-Churachandpur A/C apat National People's Party (NPP) min a candidate ticket chawitu, Pu Phungzathang Tonsing in tuni a campaign masapen hun ah a hollimna ah, maban ah sep laklawh tamtak nei nalai ahih dan a gen a, aman MLA apuok sung ahin, Khuga Dam, Medical College, Hospital, Nurse Training Centre, YPA Hall ban ah a sep-dawh tamtak genlatna le anei zawm ngal hi.

Party thak liklek National People's Party guoh delhloh tawh I din ding tawh kizawm in ei le athak a, Ngaihtuohna thak tawh, Lungthim thak tawh, Ki ngaihdamna tawh, Ki ngaihnatna tawh March 4, 2017 a Election um ding hun ah pan hun la thak ding a vote kit ding in ngetna leh chielna anei zawm ngal hi.